

Raad van Advies ta urgi no mas cu siete Ministerio



Pagina 2

- **Partido PPA a vota pa Otmar Oduber mes representa nan den parlamento**

Pagina 4

- **Miss Nederland ta yega su fin despues di 35 aña**

Pagina 12

- **Team Snor a clausura aña 2024 cu tremendo "Nos Cu Nos!"**

Pagina 15

Cantidad di accidente fatal ta alarmante
Peticion ta bay na comunidad pa stuur conscientemente



Pagina 3

Argentina ta acusa Venezuela di acosa
miembronan di oposicion refugia den su
embahada na Caracas



Pagina 10

Hefe di ONU ta urgi nacionnan rico pa
cumpli cu compromisonan nobo riba
financiamento climatico



Pagina 24

Raad van Advies ta urgi no mas cu siete Ministerio *Ministerionan mester refleha maneho eficiente y cu vision cla*

Responsabilidadnan bao di Ministerionan mester ta logico y pa promove ehecucion eficiente. Raad van Advies a bisa esaki den un recomendacion for di April ultimo caba. Pero e recomendacionnan ki a bira hopi actual, awor cu ta den proceso di forma e siguiente Gobierno.

Segun Raad van Advies, restructuracion di aparato publico cu fin pa bira eficiente y eficaz ta depende di un vision cla. Den pasado a ilustra hopi bialha cu pa logra esaki, mester organisa terenan di maneho di tal forma bao Ministerionan, pa asina logra desaroyo, implementacion y ehecucion na un forma integral y efectivo.

Den e sentido aki ta conseha pa den e siguiente ley di instalacion di Minister haci esaki tambe.

Pa cuminsa Raad van Advies ta urgi pa mantene e cantidad di Minister na siete pa asina controla gasto publico. Ademas e crisis di Covid a ilustra e importancia di un organizacion mas chikito y agil, pa asina por actua mas eficiente.

Segun Raad van Advies, mester ta cauteloso con ta reparti responsabilidad. Bao di e cartera di Ministerio di Asuntonan General ta e responsabilidad pa dirigi henter e maneho di Gobierno. E Minister pa Asunto General mester coordina, sin cu ta mete den e responsabilidad di otro. Den e sentido aki, Minister pa Asunto General mester ta encarga cu e maneho riba integridad tanto den aparato



to publico y den companianan estatal. Na e momentonan aki, Cuerpo di Bombero ta cay bao Ministerio di Husticia. Sinembargo, mirando cu Minister pa Asunto General ta encarga cu seguridad na Aruba, Raad van Advies ta kere cu Cuerpo di Bombero mester cay bao su maneho tambe. Asina Raad van Advies a formula 17 area di maneho di e Ministerio pa Asuntonan General cu los di integridad y Cuerpo di Bombero ta inclui relacionnan di Reino y estranheria, entre otro.

Ministerio di Finanzas ta mancha entrada y gasto di Gobierno y pa henter e maneho financiero-economico di pais Aruba. E Minister ta responsabel pa un maneho financiero sano, eficiente y eficaz cu ta cumpli cu ley di comptabi-

lidad. Ta tareanan cu ta hopi pisa y no por ta asina cu e Minister di Finanzas tin otro area di maneho cu no tin di haci cu Finanzas Publico, ya cu segun Raad van Advies, e mester ta responsabel tambe pa bon maneho financiero di entidadnan y companianan publico. Los di e responsabilidad di presupuesto di Pais Aruba, Raad van Advies como tal ta haya cu e Minister di Finanzas mester tin encargo tambe di e maneho di accionista den companianan publico y cuidio y promocion di integridad di e sector financiero, entre otro.

Raad van Advies ta conseha un Ministerio di Desaroyo Espacial, Vivienda y Medio Ambiente, cu ta responsabel pa infraestructura, maneho di terenan publico, proteccion

di naturalesa y supervision di maneho di desperdicio entre otro. Ta areanan cu tin di haci cu ambiente di biba fisico y poniendo tur bao di e mesun cartera lo yuda den un solo vision, y por traha na un forma mas integral y efectivo, na bienestar di henter medio ambiente, cu ta inclui naturalesa, pero tambe e ambiente di biba na Aruba.

Ministerio pa Asuntonan Economico mester keda agrega cu Turismo y Transporte, segun Raad van Advies, pa asina por traha na un desaroyo saludabel di economia, desaroyo sostenibel, cooperacion riba desaroyo, acumulacion di data, asunto di consumidor, servicio postal y di telecomunicacion, ademas di transporte publico, aviacion, asuntonan maritimo, agricultura, pesca y maneho di awa y energia. Pero Raad van Advies tambe ta mira maneho di belasting como un tarea, ya cu esaki tin hopi impacto riba economia. Ehecucion di e maneho e ora ta bao encargo di Minister di Finanzas.

Salud Publico lo mester ta hunto cu Asuntonan Social y Labor, bao di un cartera. Segun Raad van Advies, seguronan social, di labor, salud mental, pero tambe asuntonan familiar, centronan di barrio y di anciano ta miho sirbi cu un Minister cu ta mancha tur. Particularmente pasobra por chempel cuidio di anciano no ta unicamente un asunto di salud, pero tambe uno social. Ta un tema cu ta bay haya mas peso den e siguiente decada, y tin impacto riba tanto AZV y SVB, entre otro.

Ministerio di Husticia di su banda mester inclui e tareanan di mantencion di ordo, cuidio di frontera, maneho di weganan di placa, y maneho di admision y integracion. Segun Raad van Advies, na e momentonan aki, tin un Ministerio di Husticia y Asuntonan Social, cu ademas ta encarga cu salud mental. Den opinion di e instituto, e por nifica cu no tin suficiente atencion individual. Un reorganizacion di e cartera lo yuda den un maneho coherente.

Finalmente, Enseñansa y Cultura lo mester resorta bao di un Ministerio, encarga cu entre otro promocion di investigacion cientifico, enseñansa, innovacion, cuidio despues di scol, cultura y maneho di monumento. Raad van Advies ta kere cu mester tin un Secretario General na cabez di e Ministerio responsabel pa dirigi henter e operacion y tambe maneho di personal di e Ministerio. E persona aki mester ta responsabel pa coordinacion di e liñanan principal di maneho, pa asina sigura tambe continuidad di trabao cu segun experiencia, ta keda pega cu cada cambio di Gobierno. "Mester garantisa cu consistencia, unidad y continuidad no ta para cu cada cambio di Gobierno," segun Raad van Advies, como conseho.



Cantidad di accidente fatal ta alarmante

Peticion ta bay na comunidad pa stuur conscientemente

Den e ultimo simannan Aruba a ser confronta cu un serie di accidentnan di trafico cu a conmociona e comunidad, algun cu resultado fatal. Faltando un poco mas cu dos siman pa aña 2024 termina, e cifra di morto den trafico ta na 13.

Na Aruba accident di trafico a resulta den fatalidad regularmente durante e ultimo 5 aña. Segun informacion e cantidad di persona cu a fayece den accident di trafico pa aña a varia entre seis y 13 entre 2019 pa 2023.

Cifra publica riba pagina di Trafico Sigur ta indica cu den 2024, te aworaki, tin un total di 7,984 accident di trafico, di cual 13 tabatin resultado fatal.

Aña 2024 a conoce su prome morto den trafico den luna di januari caminda un chauffeur masculino di 37 aña di edad a fayece den un accidente pisa den e bocht na altura di Tamarijn All Inclusive.

Den luna di maart un accidente fatal a laga a tras e di dos morto den trafico. Tabata trata di un accidente grave entre un brommer y un auto na Savaneta caminda lastimamente e chauffeur di e brommer, un hoben di 20 aña di edad a perde su bida.


Prome rapport di e accident a indica cu probablemente e auto, marca Nissan March, tabata bayendo direccion pariba y tabata pasando un truck di sushi. E brommer tabata biniendo direccion Oranjestad y lo a dal frontal den e Nissan March.

E chauffeur di e Nissan March a keda deteni pa maneha auto bao influencia di alcohol y ademas no tabatin rijbewijs tampoco.

Di tres morto den trafico a sucede algun siman despues na momento cu un cabayero di 80 aña di edad a fayece despues di tabata envolvi den un accident.

Den luna di april Aruba a conoce e di cinco morto den trafico y esaki a bira e prome morto den un accidente caminda un auto a alcanza un peaton. Un auto KIA Sportage a alcanza e peaton y na yegada polis a constata cu e chauffeur di e KIA tabata bou influencia di alcohol y dokter a constata morto di un persona masculino di 54 aña.

Casi dos siman despues otro



accidente fatal, riba e mesun caminda, a sucede na unda un dama di 33 aña a fayece. Den e caso, segun informacion di Cuerpo Policial, tabata trata di un auto cu lo mester a bolter y e dama a keda pega bou di e auto y lamentablemente no por a haci nada mas p'e.

Fin di mei otro accident entre un auto y un brommer a resulta den e di seis morto den trafico di e aña aki. E accident aki a sucede riba e caminda di Calbas. Na yegada personal di ambulance no por a haci mucho mas pa e victima y a constata morto di otro hoben masculino di 29 aña. Den e caso aki e chauffeur di e auto tambe tabata bou influencia di alcohol.

Na comienso di luna di juli un accident fatal a shock comunidad di Aruba. Tabata trata di un accidente na altura di e bocht di Tierra del Sol na unda un dama di apenas 17 aña a fayece. E accidente aki en particular a conmociona pueblo pa motibo di e gravedad di e accident. E auto den cual e dama tabata a keda total los y parti den dos pa motibo di e impacto.

Un otro hoben tabata envolvi y tabata e chauffeur di e auto aki, ken a keda deteni pa mas investigacion pa determina e motibo di e accident.

Na fin di mesun luna aki, otro persona a perde su bida den un accident riba Watty Vos Boulevard. Un persona di 31 aña di edad a fayece despues cu el accidente y auto a bolter

riba caminda. No ta conoci si e chauffeur tabata bou di influencia di alcohol.

Di nuebe morto den trafico tabata un caso di hit & run. Segun informacion un dama tabata coriendo riba su step riba caminda di Shiribana y un auto a alcanza e dama y despues a huy for di e sitio, lagando e victima di 35 aña di edad atras.

Despues di varios dia di suplica e chauffeur di e auto cu a alcanza e dama y a huy for di e sitio, a bay entrega su mes na polis.

Den luna di november Aruba a conoce su di 10 morto den trafico. Un cabayero di 48 aña a fayece despues di dal frontal contra e rotonde na Bushiri.

Luna di december habri cu otro accident hit & run fatal. E victima, un persona musculo di 66 aña a ser alcanza pa un auto na altura di Pos Chikito. Lamentabel di e caso aki ta cu despues di e impacto inicial cu e victima a ricibi, dos otro auto no a tuma nota cu tabata trata di un persona riba caminda y a pasa riba e victima tambe.

Den e transcurso di e siman aki autoridadnan a logra detene e chauffeur di e hit & run fatal aki y ta trata di un hoben di apenas 24 aña di edad.

Dia 8 di december Aruba a keda conmociona pa otro accidente fatal na unda un auto a alcanza un peaton, un dama hoben di 25 aña riba e caminda di Bloemond. Den e caso aki

abo ta bou influencia no stuur. Busca un amigo responsabel, automobilistanan como tambe coredo di brommer, bicicleta y peaton cu ta forma parti di nos trafico mantene boso na e ley y reglanan pa asina tur hende por yega nan destino sigur," el a enfatisa.

Como procedura y manera ley ta stipula, e conductor cu ta sospecha di core bao influencia di alcohol, lo mester haci un alcohol test, cual aki na Aruba ta tuma luga primeramente pa medio di un 'Breathalyzer' (via rosea). E sospechoso mester supla y e resultado no mag di pasa 220 ug/l pa rosea supla.

Den cierto caso tambe por test e nivel di alcohol door di haci un test di sanger. E resultado no por surpasa 0.5 mg per 100ml di sanger. Si ta ser comproba cu e persona ta surpasa e limite di alcohol, por haya un multa di maximo 25.000 florin of un sentencia di maximo 2 aña.

Siguridad den trafico ta enfoca riba diferente punto como por ehemplo, e riesgonan di usa telefon mientras ta core auto e cual ta aumenta e riesgo di causa accidente cu 23 biaha mas.

Skirbi of papia na telefon ta desvia e atencion di e conductor for di riba e caminda, loke ta conduci na un deterioro di consciencia di e realidad di chauffeur.

Por lo tanto, no ta permiti pa tin e telefon "den man" ora ta core auto segun articulo 7a di Landsbesluit Verkeersregel AB 1999. Si un persona ta ser gara cu telefon den man ora di core auto, e persona por haya un multa di maximo 10.000 florin of un sentencia maximo di 3 luna.



Pendiente riba sentencia di hues:

Partido PPA a vota pa Otmar Oduber mes representa nan den parlamento

Despues di su consulta cu Gobernador di Aruba, su Excelencia Alfonso Boekhoudt, lider di partido PPA Otmar Oduber a indica diamars atardi den su declaracion na prensa cu e partido lo tene un partijraad e anochi ey pa vota ken lo representa nan den parlamento.

Manera ta conoci Oduber ta e sospechoso principal den e caso Flamingo. Un caso cu ta bay cumpli cinco aña andando contra e politico. Na mas di un ocasion Oduber a acusa Ministerio Publico (OM) di persecucion politico señalando cu e acusacionnan den su contra ta basa riba informacion falso.

Despues cu recientemente a finalisa cu e tratamiento di e caso, hues a indica cu lo duna su sentencia dia 22 di



januari 2025. Oduber a enfatisa varios biaha cu e ta kere firmemente den su inocencia cu hues lo dicta un sentencia

na su favor.

Pero ta existi e posibilidad cu hues lo dicta un sentencia cu

ta duna Oduber un castigo, cual por bira tambe e castigo cu fiscal di OM a pidi cu ta tres aña di prizon incondicio-

nal.

Den caso cu hues dicta un sentencia di castigo pa Oduber, su persona mes a declara durante un debate cu e no lo sinta den Parlamento di Aruba si e keda sentencia.

E noticiero local Noticia Cla a informa cu partijraad di partido PPA, teniendo na cuenta tur e aspectonan alrededor di Oduber, a dicidi di para toch tras di nan lider y sostiene Oduber pa e representa e partido den Parlamento di Aruba.

Si dia 22 di januari hues no dicta na favor di e politico, y si e cumpli cu loke el a declara, segun ley ta indica e asiento lo bay e ora pa e siguiente candidato riba lista cual ta candidato number 2, Eduard Pieters.

WEB Aruba a anuncia cu no lo desconecta conexion di awa den luna di december y januari

Recientemente WEB Aruba N.V. a introduci un sistema nobo di cliente pa mehora y optimisa su atencion na cliente, pero pa motibo cu e sistema aki no ta optimal ainda WEB a anuncia cu pa luna di december y januari no lo desconecta e servicio di awa.

Ayera WEB Aruba N.V. a informa cu nan no lo corta e servicio di awa den lunanan di december 2024 y januari 2025. E compania a indica cu nan ta consciente cu e servicio relaciona cu introduccion di nan sistema nobo no ta optimal ainda y por lo tanto clientenan ti dificultad pa paga nan recibo di awa.

Teniendo esaki na cuenta, y



ademas considerando cu ta temporada di fiesta y fin di aña y tambe cu den luna di december mayoria persona ta cobra salario mas trempa cu normal, WEB Aruba a informa cu no lo desconecta e suministro di awa. E anuncio aki ta conta especificamente pa e clientenan di awa cu ta caduca den lunanan di december y januari.

Adicionalmente nan a indica cu nan lo no cobra tampoco boet pa clientenan cu ta paga despues di e ultimo fecha di pago.

WEB Aruba a splica cu e sistema nobo ta den fase di stabilisacion y pa e motibo aki tin algun cliente cu actualmente ta ricibi nan recibo di awa mas

laat cu normal. Nan a agrega tambe cu clientenan cu tin standing order via banco ta experencia tardansa den pago di nan cuenta di awa.

Considerando tur e aspectonan aki gerencia di WEB Aruba a tuma decision pa no cobra boet ni tampoco desconecta conexion di awa di clientenan cu no a paga na tempo.

Mientras tanto WEB Aruba ta trahando pa optimalisa y stabilisa funcionamiento di e sistema nobo mas liher cu ta posibel. "E teamnan ta trahando diligentemente pa atende cu cualkier retraso den servicio y pa yega na un funcionamiento optimal y stabiel di e sistema. Ademas ta duna asistencia na

clientenan durante oranan di atardi pa anochi na e diferente MFA," e compania a remarca.

WEB Aruba a pidi comunidad pa keda pendiente pa e oportunidadnan na unda WEB lo ta presente den oranan di atardi/anochi pa ofrece asistencia na su clientenan.

Den luna di november WEB Aruba N.V. a anuncia nan sistema nobo cu a bin cu algun cambio importante. Cu e sistema nobo aki e acostumbra 'number di parcela' cu tabata ser usa pa haci pago, ta cambia pa un 'account number' di 10 cifra pa tur cliente di WEB Aruba, tanto residencial y comercial.

Esaki ta e cambio mas grandi cu clientenan di WEB lo ripara di e sistema nobo di administracion di cliente, cual WEB Aruba a introduci oficialmente dia 4 di november ultimo.

Hunto cu e sistema nobo di administracion di cliente, e compania di awa a lansa e portal di WEB Care completamente modernisa. E compania a enfatisa cu introduccion di un sistema nobo di administracion di cliente tabata necesario pa motibo cu e sistema bieu no tabata cumpli mas cu exigencianan contemporaneo.

Tocante e cambio for di 'number di parcela' pa un 'account number' di 10 cifra, WEB Aruba a splica cu por reconoce e 'account number' nobo na su 10 cifra y na e hecho cu e no tin strepi nemey manera e anteriormente usa 'number di parcela' tabatin.

E portal di WEB Care ta un portal cu ya tabata existi y ta duna un bista cla di e cliente su consumo di awa y su historia di pago. E portal a ser actualisa y modernisa por completo. Esaki ta nifica cu usuarionan cu ya tabata registra den e portal WEB Care mester registra di nobo, cu e mesun adres di e-mail. Usuarionan nobo por registra, yamando Call Center di WEB pa inscribi nan e-mail adres.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Un biaha mas, Aruba destaca como e pais cu ta paga mas impuesto na mundo

Recientemente riba rednan social, un video a circula unda ta muestra e top 5 pais cu ta paga mas impuesto na mundo, y loke a resalta pa usuario nan local, ta e hecho cu Aruba ta aparece como number 1 riba e lista.

E video, publica riba TikTok pa usuario @de_inversionistas, ta muestra e top 5 cuminsando cu Austria (impuesto 55%), Hapon (55.97%), Dinamarca (55.9%), Suecia (57%) y finalmente Aruba (59%).

Segun Global Citizen Solutions, mientras cu Aruba ta muestra un isla bunita den Caribe, primintiendo un calidad di bida excepcional, seguridad, bon infraestructura y e bentaha di nacionalidad Europeo, residentenan ta suheto na un di e tasa mas halto di impuesto riba entrada den Caribe y resto di mundo. Na Aruba, gobiernu ta impone un tasa pa esnan cu entrada halto di 59 por ciento riba individuonan cu ta gana mas, loke ta separa nos isla for di otro paraisonan fiscal den Caribe.

Adicionalmente, nos isla ta mantene su tarifa di impuesto pa entrada corporativo na 22 por ciento. Ademá, tambe tin impuesto riba capital gains.

Global Citizen Solutions ta resalta cu e percepcion di impuesto riba entrada halto na paisnan unda e impuesto aki mes ta hopi halto, por varia entre publico y e pais. Hopi ciudadano di paisnan Europeo ta mira impuesto halto como un medida necesario pa financia servicionan publico robusto, programanan di bienestar social y desaroyo di infraestructura.

Transparencia di gobierno y e visibilidad di gasto publico ta proba cu e impuesto aki ta contribui na un miho standard di bida.

E survey di OECD riba confiansa den gobierno ta revela cu un minimo di 60 por ciento di e poblacion na nacionnan cu impuesto halto na Europa tin confiansa den e decisionnan politico y alocacion di fondo di nan gobierno.

Otronan por tin un bista mas critico di impuesto halto, percibiendo nan como un peso riba entrada y crecimiento economico. Hopi biaha nan ta argumenta cu impuesto excesivo ta horca entrepreneurship, ta reduci entrada disponible y ta

Summary of Aruba Taxation Highlights	
Category	Details
Corporate Income Tax Rate	22% on profits
Loss Carryforward	5 years, extended to 7 for 2020-2022
Participation Exemption	Conditions for exemptions on dividends and capital gains
Income Tax Rates (Individual)	Progressive: 12% - 52%
Capital Gains (Individual)	Generally exempt; 25% for substantial interests
Withholding Tax (Dividends)	Up to 10%; exemptions available
Withholding Tax (Interest and Royalties)	None
Turnover Tax	1.5% on goods/services
Health Tax	3% on goods/services
Real Property Tax	Annual rates vary based on property value
Transfer Tax	3% up to AWG 250K; 6% above
Social Security Contributions	Employer/employee contributions with caps

frena inversion den negoshi, potencialmente conduciendo na un reduccion den competitividad economico y un creacion mas slow di trabao, segun Global Citizen Solutions.

Sistema di impuesto na Aruba

E sistema di impuesto na Aruba ta contene varios impuesto pa tanto individuo como negoshi. Basa riba e rapport di Deloitte actualisa februari ultimo, por tin un bista simpel di e sistema aki.

Impuesto corporativo ta inclui un tarifa di entrada corporativo di 22 por ciento riba ganashi, incluyendo entrada di business, entrada pasivo manera dividendo y interes, y capital gains. Ta cobra impuesto na residentenan riba tur entrada mundialmente, mientras no-residentenan ta paga solamente riba ganashi genera na Aruba. Ta considera un compania como residente si ta incorpora bao ley di Aruba of ta controla for di Aruba.

Tambe tin Free Zones cu ta ofrece un tarifa reduci di impuesto corporativo di 2 por ciento, suheto na condicionnan specifico.

E tarifa di impuesto individual ta progresivo variando di 12 por ciento pa 52 por ciento, dependiendo di nivel di entrada. Ta cobra impuesto na residentenan riba tur entrada mundialmente, mientras no-


residente ta paga riba entrada genera na Aruba. Ta considera un individuo como residente si nan lugar principal di residencia ta Aruba.

Capital gains ta generalmente exenso, cu excepcion di ganashi di bende accion representando un interes substancial (propiedad di mas di 25 por ciento), cual ta paga 25% di impuesto. Tin deducccion disponible pa gasto medico, seguro, pago pa retiro, interes di hipoteca y mas, suheto na condicion. Ademá, tin impuesto riba propiedad real, cu tarifa anual variando basa riba balor di e propiedad, cu tarifa specifico

pa diferente bracket di balor. Tin un tarifa di 3% di impuesto di transferencia pa propiedadnan di hasta 250mil florin, 6 por ciento pa propiedadnan cu balor mas halto, cu exencion pa residencianan primario.

Finalmente, tin contribucionnan pa seguridad social. Empleao y dunado di trabao ta contribui na esakinan basa riba salario, cu limite.

Pa mas informacion por lesa e relato completo di Deloitte: <https://www2.deloitte.com/content/dam/Deloitte/global/Documents/Tax/dttl-tax-arubahighlights-2024.pdf>



AWA

MINI MEGA

MEGA PLUS

Awo cu 2 florin mas, bo por gana e

* Afl. **500.000,-**

* Afl. 390.000,- + Afl. 110.000,-
extra

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

LOTO

f

t

i

o

o

A habri prome fase di proyecto di reconstruccion di High Rise

E proyecto di reconstruccion den area di High Rise a cuminsa dia 22 di april, y e siman aki, Departamento di Obra Publico (DOW) a informa cu e prome fase a keda cla y e caya ta habri.

Manera a informa na comienso di e trabaonan, e proyecto ta parti den 3 fase ya cu no por cera e area completamente pasobra mester tin acceso na e hotelnan.

Segun DOW a informa, e prome parti tabata e reconstruccion di e area dilanti hotel Riu Antilla. Tambe a pone dreñahe nobo y ductonan di awa preto nobo bao caminda.

Na september di aña pasa, nan tambe a informa cu e di dos parti ta mesun tipo di trabaonan cu ta wordo realisa den e prome parti, pero esaki lo ta entre South Beach y e hotel Holiday Inn. E di tres parti ta encera reconstruccion di e wandelpad y trottoir entre Riu Antilla te cu Holiday Inn.

DOW a informa cu inicialmente e plan tabata pa tene destaho publico aña pasa y



cuminsa e cu e trabaonan di e prome parti y caba cu esaki pa final di aña, pero nan a agrega cu esaki por a logra solamente si no tabatin retraso

den e proyecto pa motibo di awasero of materialnan cu lo mester bestel di afo.

Nan a splica cu teniendo cuen-



ta na unda e trabaonan mester tuma logra, esta e area di High Rise, materialnan cu mester bin di afo y probablemente retraso pa motibo di awasero, nan a

tuma e decision di tene destaho y otorga e trabao aña pasa, pero trabaonan pa e proyecto a cuminsa e aña aki.

Tierra del Sol Golf Course by Iberostar ta celebra e prome Shoco Sanctuary na Aruba

Tierra del Sol Golf Course by Iberostar ta anuncia orguyosamente e inauguracion di e Shoco Sanctuary, dedica na proteha y preserva nos simbolo Nacional stima; e Aruba Burrowing Owl (Shoco).



E iniciativa aki, cu a cuminsa na 2019, a florece den un compromiso importante di conservacion, mustrandando progreso durante e ultimo cinco aña. Den colaboracion cu Aruba Birdlife Conservation (ABC) y Tierra del Sol Golf Course by Iberostar, e prome 20 artificial burrows a wordo instala na 2019 pa ofrece un luga di proteccion pa e Shoco nan cu ta na peligro di extincion. Cu sosten continuo di Iberostar, e proyecto aki a expande, aumentando e cantidad di 'artificial burrows' pa 32 y integrando elementonan educativo conhuntamente cu e experiencia di e golf course marcando un ocasiona historico.

E Shoco Sanctuary a wordo celebra pa medio di un evento cu a wordo presencia pa partnernan importante di e proyecto, rindiendo honor na e milestone aki y reafirmando e compromiso pa cu e biodiversidad di Aru-



ba. Ambientalistanan, stakeholdernan y miembronan di comunidad a keda impresionada cu e progreso desde e instalacion inicial na 2019 te cu e Shoco Sanctuary vibrante di awe.

E Shoco, cu a wordo declara simbolo Nacional na 2012, ta enfrente desafio di degradacion di su habitat. E sanctuary aki lo enfoca pa combati e desafionan aki, ofrece proteccion pa e Shoconan por cria y pa fortalece e ecosistema local. Awe, e Shoco Sanc-

tuary ta representa 20% di e totalidad di e poblacion di Shoco na Aruba, convirtiendo e den un tema esencial di e esfuersonan di conservacion di nos isla.

Mientras e golf course ta pasando den un temporada di transformacion, Iberostar a integra e proyecto di conservacion aki como parti di su vision sostenibel. E Shoco Sanctuary ta parti di e diseño di e golf course, ofreciendo informacion riba e Shoco y estimulando consentimiento pa cu Aruba su herencia natural.

Pa final di 2024, ora e golf course ta prepara pa su gran inauguracion, e Shoco Sanctuary lo para como un testimonio di colaboracion di comunidad y nos compromiso ambiental. Tierra del Sol Golf Course by Iberostar ta invita e comunidad local pa uni pa preserva e tesoronan di Aruba pa generashonnan venidero.

Nigeria ta e pais Africano mas recien pa provee vacuna contra malaria na muchanan chikito

(AP)—Ominike Marvis a perde conteo di e cantidad di biaha cu su yiu di luna aña a haya malaria. Pues ora Nigeria a cuminsa ofrece un vacuna contra e malesa, e tabata emociona pa proteha su yiu mas jong.

El a tuma e baby di seis luna pa bay tuma su prome inyeccion den e estado mas afecta Bayelsa, unda e campaña di vacunacion a cuminsa siman pasa. E vacuna ta diseña pa preveni malesa severo y morto for di e malesa causa pa sangura.

“Al menos mi sa cu e ta sigura contra dje awor,” Marvis, 31, a bisa.

Africa ta conta pa e mayoria di casonan di malaria na mundo. Nigeria, e pais mas pobla den e continente, tin e peso mas halto cu aproximadamente un kwart di tur caso riba e continente. Segun un rapport di e Organizacion Mundial di Salud (OMS) publica diaranson, tabatin aproximadamente 263 miyon caso di malaria y 597,000 morto mundialmente aña pasa, mayoria den muchanan bao cinco aña. Esey ta 11 miyon mas caso di malaria compara cu 2022 cu casi e mesun cantidad di morto.

“Ningun hende mester muri di malaria, pero asina mes e malesa ta sigui causa daño desproporcionalmente na hende bibando den e region Africano, specialmente muchanan chikito y hende muher na estado,” segun director-general di OMS Tedros Adhanom Ghebreyesus, yamando pa mas sosten.

Awor tin 17 pais dunando vacunan nobo contra malaria na muchanan chikito, e rap-

port di OMS a bisa. Nigeria a cuminsa su campaña siman pasa, ofreciendo un vacuna desaroya pa Oxford University.

Investigacion ta sugeri cu e ta mas cu 75 porciento efectivo pa preveni malesa severo y morto den e prome aña y cu proteccion por ser extendi pa al menos un aña mas cu un inyeccion booster. E minister di Salud na Nigeria, Muhammas Ali Pate, a yama e campaña di vacunacion un “stap monumental” den e esfuerzonan di e pais pa elimina malaria.

E malesa ta causa pa un paraisito cu ta plama via pica di sangura. Expertonan ta bisa cu otro medidanan manera net pa cama y uso di insecticida ta keda esencial pa curva e malesa.

Expertonan ta bisa cu e poblacion di Nigeria di mas cu 210 miyon hende, como tambe su clima, ta contribui na su peso di malaria, ademá di otro factornan manera sanitacion malo y un limite den herment manera netnan trata pa cama.

Na banda di e falta di fondo, e rapport di OMS a bisa cu paisnan cu malaria ainda ta lucha cu sistemanan di salud fragil, monitorio zwak y resistencia pa usa insecticida. Pero tambe a haci progreso riba varios tereno, e rapport a bisa, incluyendo den e region Africano unda paisnan a logra un reduccion di 16 porciento den mortonan di malaria desde 2015. Y den 83 pais unda malaria ta presente, 25 di nan awor ta reporta menos cu dies caso pa aña, manera e rapport a señala.

Den e estado pover di Bayelsa, entre esnan mas afecta



den Nigeria, malaria ta asina comun den e comunidadnan bibando banda di riu cu mannan ta papia di con ningun hende den nan famia a ser scapa. “Aki, malaria ta algo cu

nos a custuma di dje,” segun Calaris Okah, un trahador nan di salud den comunidad.

Entre e retonan cu trahador nan manera Okah ta enfrenta

ta duda entre mayornan, pues nan ta educando famianan tocante e vacuna nobo y otro stapnan pa preveni malaria. “E vacuna ta algo bon,” Okah a bisa.



Conseho Electoral Aruba

Masha Danki

Conseho Electoral Aruba ta desea di gradici e comunidad di Aruba cu a sigui nos durante e temporada electoral 2024 y a duna nan sosten continuo pa fortalece e proceso di democracia y transparencia riba nos isla.

Curaçao: Prome Minister ta reporta preocupacionnan financiero pa 2Bays Curaçao pero optimismo cu operadornan nobo

(CuraçaoChronicle) - Prome Minister Gilmar 'Pik' Pisas di MFK a expresa preocupacion diamars tocante e situacion financiero di 2Bays Curaçao (anteriormente Refineria di Korsou). Durante e reunion di presupuesto, Pisas a splica cu e compania su posicion financiero a empeora a causa di varios factor diferente.

E Prome Minister a enfatisa e necesidad di cubri deficit for di e subsidiario CRU y e ausencia di un operador permanente pagando huur pa e refineria. Esaki a causa un disminucion significant den ganashi di e compania.

Sinembargo, tin speranza den e horizonte cu e yegada di operadornan

nobo, Oryx y Global. Pisas a declara cu for di januari, 2Bays Curaçao ta anticipa di recupera financieramente y te hasta stabilisa.



E Prome Minister tambe a nota cu 2Bays Curaçao y CRU te ainda no a provee e declaracion financiero pa aña 2021, 2022 y 2023. Sin importa

esaki, e declaracion di gobernacion si a ser ricibi, cual a ricibi aprobacion di directiva di supervision y entrega na e Ministerio di Finanzas. Na momento cu e keda aproba pa Consejo di Minister, e documentonan lo ta disponibel pa parlamento.

E impacto di e presidencia di Merca tambe a keda trata, cu e gobierno considerando e efectonan riba acuerdonan cu Venezuela. Sinembargo, Pisas a indica cu e companianan Mericano ta anticipa di sigui cu operacionnan manera tabatin plania. E gobierno tambe ta trahando riba e plan di pension adicional pa ex empleadonan y ta provee avancen pa keda reconcilia cu ganashi den futuro for di venezuela.

Presupuesto di Enseñansa: 748 miyon euro di recorte plania a ser cancela parcialmente na costo di presupuesto di salud

(NLTimes) - Partidonan di coalicion y cuater partido di oposicion a yega na un acuerdo pa kita 748 miyon euro di e recorte plania den e presupuesto di enseñansa y unda pa haya e placa ey na luga di esey. E placa lo bin parcialmente a costo di e presupuesto di Salubridad Publico. E presupuesto di Enseñansa ainda ta ser corta cu 1.2 biyon euro, NOS ta informa.

E acuerdo entre partidonan di coalicion PVV, VVD, NSC y BBB, y partidonan di oposicion CDA, SGP, ChristenUnie, y JA21 a dura simaninan. Dicidi cual recorte pa scrap - e boet pa studia mucho largo ta bay, mescos cu recorte den salario di maestro. E periodo di servicio social ta keda - tabata facil. Pa haya sa unda pa haya e placa ey en bes di esey, a tuma tempo.

Un parti di e placa lo bin di ministerio di Salubridad Publico, cu lo mester entrega 215 miyon euro. Entre otro specialistanan medico lo mester paga un contribucion mas halto pa mas training y cursonan. Specialistanan tambe lo enfrente recorte den nan "exceso" den salario, lider di CDA Henri Bontenbal a bisa diaranzon anochi, despues cu e acuerdo a ser alcanza.

E partidonan di oposicion tabata kier corta e deducibel di cuidio medico cu mcnos, pero esey tabata inaceptabel pa PVV. Corta e deducibel na mita tabata un parti grandi di e campaña electoral di Geert Wilders.

Tambe lo tin 173 miyon euro na recorte riba "gasto di ekipo" na varios ministerio. Bontenbal a menciona autonan di compania como ehempel.

Y e presupuesto pa e carchi di estudiante di transporte publico lo ser corta cu 75 miyon euro. E partidonan envolvi ta kere cu e studiantenan lo no ripara esaki pasobra menos estudiante ta usa e carchi y nan a biaha menos for di e pandemia di coronavirus.

Bontenbal a bisa cu e ta alivia cu nan a yega na un acuerdo. "Na cierto momento, bo kier logra algo of pone un fin na dje. Tè ainda e no ta e presupuesto cu nos tabata kier, pero nos a haci un presupuesto malo menos malo."

Lider di PVV Wilders tambe ta satisfecho. "E presupuesto di enseñansa a wordo spaar. Nos por biba cu esaki." El a yama e recortenan adicional na otro ministerionan "aceptabel."

E partidonan di oposicion cu no ta envolvi den e acuerdo ta sumamente

critico ainda. GroenLinks-PvdA, DENK, PvdD, y SP, entre otro, ta señala cu Gabinete Schoof I ainda ta cortando e presupuesto di enseñansa cu mas di un biyon euro. Varios partido a yam'e un eror historico.

Institucion- y organisacionnan di enseñansa tambe ta mal contento. Segun sindicato di estudiante LSVb, e recortenan lo causa cu cursonan lo desaparece y docentenan lo ser kita for di trabao. Futuro generacionnan lo paga pa esaki, LSVb a bisa. E unico cos cu e sindicato di estudiante ta satisfecho cun'e ta cu e boet pa no gradua den e tempo stipula ta for di mesa.

E organisacion paraplu pa universidadnan Hulandes, Universitadnan di Hulanda, tambe ta malcontento. "Investigacion científico ta e perdedor grandi den e acuerdo aki. Esey ta particularmente malo pa futuro di

Hulanda pasobra conocimiento ta nos materia prima di mas importante," presidente Casper van den Berg a bisa NOS. Universitadnan lo sigui resisti e recortenan, el a bisa.

Awor cu a yega na un acuerdo, Tweede Kamer, e camara mas abou di parlamento Hulandes, por vota riba tur e presupuestonan di e ministerionan riba diahuebs. Despues di esey Eerste Kamer, esta Senado Hulandes, lo tin su palabra.

E coalicion no tin mayoria den Senado, p'esey e acuerdo aki cu partidonan di oposicion tabata necesario pa e presupuesto di enseñansa por ser aproba. Si Senado a rechasa e presupuesto, e presupuesto actual cu e gobierno di Rutte IV a lanta, cu a gasta hopi na enseñansa, lo a keda na luga.



Hulanda:

Estado a paga Ridouan Taghi mas di 2,420 euro den compensacion pa restriccionnan eroneo den prizon

(NLTimes) - Ridouan Taghi a ricibi compensacion for di Estado Hulandes a causa di e restriccionnan adicional imponi erroneamente cu su persona den prizon despues di e detencion di su primo y abogado Youssef T. E abogado a ser deteni dia 8 di october 2021 mientras e tabata bishitando Taghi den e prizon di seguridad halto na Vught.

Ministerio Publico (OM) a dicidi den juni pa otorga e compensacion, segun documentonan obteni pa ANP. OM su oficina nacional a confirma esaki. E ta concerni e compensacion di 420 euro



cu interes y compensacion pa e gasto di abogadonan di 2,000 euro.

Pa motibo cu Taghi mes no a keda deteni den e caso contra su familiar, no tin restriccion

extra cu mester a impone contra su persona. Taghi ya caba tabata den e regimen

mas severo posibel den EBI. E restriccionnan adicional a dura 2 siman y tabata nifica cu e no tin permiso di yama ningun hende cu excepcion di su abogadonan, segun su abogado Sjoerd van Berge Henegouwen, ken ta asisti su persona den su procedura. Van Berge Henegouwen tabata anteriormente Taghi su abogado den caso criminal cu dos colega, sinembargo el a retira for di su defensa na final di aña pasa.

Taghi ta e sospechoso principal den Marengo. Corte a sentencia su persona cu cadena perpetua den comienso di e aña aki pa su rol den varios asesinato.

Trahadonan Hulandes ta laga dianan di vakantie sin uso, un estudio ta haya

(NLTimes) - Un estudio nobo ta revela cu empleadonan Hulandes ta haya un averahe di 27.5 dia di vakantie pa aña, pero 43.5% di e trahadonan no ta usa nan completo. Den promedio, 1.8 dia ta ser carga pa e siguiente aña, mientras cu 3.7% di trahado ta pasa mas cu 10 dia sin uso anualmente.

E resultadonan ta bin di un investigacion realisa pa Loket.nl y MKB Servicedesk, cu a analisa mas cu 1.2 milyon registro di salario anonimo di 145 mil compania na Hulanda. E rapport ta destaca diferencianan notabel den uso di vakantie entre industria- y generacionnan. Empleadonan den e sector di trahamento di metal ta disfruta di significativamente mas tempo di vakantie, cu 2.5 dia extra compara cu e pro-

medio nacional. Di mesun manera, trahadonan den e industria kimico ta ricibi 1.5 dia adicional.

Sinembargo, empleadonan den e sector di construccion ta informa e totalnan di vakantie mas abou, cu 3.6 dia menos cu e promedio. Trahadonan den publicacion tambe ta mira un deficit, cu casi 12.5 ora menos di vakantie cu e trahador Hulandes tipico.

E estudio tambe a haya diferencianan significante den e cantidad di dianan di vakantie no usa den tur sector. Trahadonan di construccion tin e tendencia di laga solamente un dia di vakantie sin uso pa aña, mientras cu empleadonan den e industria di procesamiento di carni, manera carnicero, ta carga riba un promedio di 2.7 dia.



CACHI CACHI

Christmas Edition

1 GANADO GARANTISA

Afi 1000,-

TUR DIA

CON PA HUNGA

CU CADA COMPRA DI 1 FLORIN PA SORTEO DI MERDIA OF ANOCHI BO TA RICIBI 1 SET DI 6 NUMBER DI CACHI GRATIS!
SORTEO DI CACHI CACHI TA TUMA LUGAR DURANTE SORTEO DI ANOCHI Y DIADOMINGO 2:00PM

Afi 1 • 1 SET DI NUMBER GRATIS!
Afi 2 • 2 SET DI NUMBER GRATIS!
Afi 3 • 3 SET DI NUMBER GRATIS!
Afi 4 • 4 SET DI NUMBER GRATIS!

MAS BO INVERTI. MAS NUMBER GRATIS BO TA RICIBI!

f x y i
www.lottoaruba.com

CAMPAÑA TA VALIDO DESDE 1 DI DECEMBER PA 31 DI DECEMBER 2024

Argentina ta acusa Venezuela di acosa miembronan di oposicion refugia den su embahada na Caracas

(AP) — Gobierno Argentino diaranson a acusa su contraparti Venezolano di acosa continuamente seis miembro di oposicion politico kende ta bin refugiando pa lunas den e tereno diplomatico Argentino na e capital, Caracas.

Tambe a urgi Organizacion di Estadonan Americano (OAS) pa presiona Venezuela pa permiti e salida safe di e seis persona pa Argentina.

Minister di Exterior Argentino, Gerardo Werthein a bisa cu gobierno Venezolano ta sometiendo nan na un “strategia di agotamento fisico” y “terror psicologico” mediante acoso prolonga. E cuatro homber y dos muhe a biba den residencia di e embahador desde maart pa evita aresto.

“Gobierno Venezolano no solo a rechasa e paso safe cu lo permiti nan salida sigur, pero a adopta accionnan di acoso totalmente inaceptable,” Werthein a bisa durante un sesion di conseho permanente di OAS. “E solicitantenan di asilo ta someti na corte di awa, interrupcion di coriente, restriccion riba entrada di cuminda y e presencia constante di forsanan di seguridad den cercania di e sede diplomatico.”



E grupo bibando na cas di e embahador ta inclui manager di campaña y director di comunicacion di lider opositor, Maria Corina Machado. Gobierno di presidente Javier Milei a permiti nan drenta e tereno despues cu autoridadnan leal na e partido gobernante a emiti orden pa nan aresto, acusando nan di promove supuesto acto di violencia pa desestabilisa e pais.

Desde fin di november, e grupo a denuncia e presencia constan-

te pafo di e residencia, di agencianan di servicio di inteligencia Venezolano y polis. Tambe a acusa gobierno di corta servicio di awa y coriente.

Minister di Interior Venezolano, Diosdado Cabello siman pasa a bisa cu acusacionnan di e grupo ta un “farsa.” Sinembargo, Werthein diaranson a acusa gobierno Venezolano di viola ley internacional cu ta protege e derecho pa asilo y inviolabilidad di oficinanan diplomatico na cualkier pais.

El a urgi e miembronan di e organizacion regional pa actua firmemente of core riesgo di ser husga pa nan falta di accion. Mientras tempo ta pasa, “e angustia y incertidumbre pa esnan buscando asilo ta aumenta,” el a bisa.

Na augustus, Brazil a acepta solicitud di Argentina pa custodia e sede diplomatico na Caracas, despues cu gobierno di Maduro a expulsa su diplomaticonan despues di eleccion presidencial na Venezuela na

juli. Resultadonan disputa di e eleccion, cual autoridadnan electoral Venezolano a bisa ta favorece Maduro, a pone presidente Argentino, Javier Milei declara cu e no lo reconoce “otro fraude.” Esey a genera rabia di Maduro y su aliadonan. Pero un luna despues, Venezuela a revoca autorisacion di Brazil pa custodia e facilidad, alegando cu tabatin evidencia di uso di e tereno “pa planeamento di actividad terrorista y intento di asesinato.” Brazil y Argentina a rechasa e acusacionnan aki.

Diaranson, mas cu un decena di miembro di Organizacion di Estadonan Americano a uni e yamado di Argentina riba gobierno di Maduro pa permiti e salida safe di esnan bibando den residencia di e embahador. “E acoso continuo ta pone den peliger e seguridad di e mision y individuonan cu por ta buscando refugio temporal,” vocero di Departamento di Estado Mericano, Matthew Miller a bisa den un declaracion despues di sesion di e organizacion. “Nos ta haci un yamado pa Maduro y su representantenan stop di emiti ordennan di aresto cu motivacion politico pa miembronan di oposicion democratico y garantiza un paso safe pa esnan refugia den embahada Argentino.”

Bolivia ta extradita ex-hefe anti-droga Maximiliano Davila pa Merca

RECOMPENSA

Por información que lleve al convicción de:
MAXIMILIANO DÁVILA PÉREZ

Teléfono, Text, WhatsApp
 EMAIL

+1-202-480-9038 Bolivia.Tips@usdoj.gov

5,000,000.00 USD

(infobae) – Ayera marduga a extradita ex-hefe anti-droga di Bolivia, Maximiliano Davila pa Merca, segun fuentenan oficial a confirma. E homber, kende tabata director nacional di e Forsa Special di Lucha Contra Narcotrafico (Felcn) a sali pa 5am for di penal di San Pedro (La Paz) den direccion di aeropuerto internacional El Alto, unda pa 7or el a aborda un vuelo.

Segun canal Unitel ta publica, e ex-

coronel tabata escolta pa efectivonan policial di Interpol y comandante di Polis Boliviano. Ta calcula cu Davila a yega Merca ayera merdia, despues di haci un escala breve na Lima, Peru.

Mas detaye di e proceso di extradicion no tabata conoci, pero e director nacional di Regimen Penitenciario, Juan Carlos Limpas, a anuncia cu ta bay duna informe tocante e operativo cu a checuta diahuebs marduga.

E ex-hefe policial ta investiga na Bo-

livia pa e supuesto delito di legitimizacion di ganashi illicito, pa cual e ta deteni preventivamente den prison di San Pedro (La Paz) desde januari 2022. Sinembargo, Tribunal Supremo di Husticia a autorisa dia 27 di november su “extradicion inmediato” pa Merca, unda e ta busca pa cargonan hudicial pa un investigacion di Administracion pa Control di Droga (DEA) cu a determina cu e tabata forma parti di un red cu tabata exporta cocaina refina na e pais.

E investigacion a tuma lugar entre 2019 y 2022, tempo cu a acus’e formalmente pa señal cu a usa su cargo pa transporta cocaina riba avion, a traves di paisnan tercio, pa su distribucion na Merca. E acusacion ta pa por lo menos seis delito, entre nan asociacion delictuoso relaciona cu narcotrafico y asociacion delictuoso pa carga arma, y por ricibi un sentencia entre 20 aña te cadena perpetuo.

E caso di Davila ta genera repercusion na Bolivia pa su implicacionnan politico. Davila tabata e ultimo hefe anti-droga di administracion di Evo Morales (2006-2019) y a ocupa e cargo di director nacional di e Forsa

Special di Lucha Contra Narcotrafico te cu caida di gobierno dia 10 di november 2019. Prome, el a ocupa otro cargonan manera director nacional di Inteligencia, y den e gestion di Luis Arce, a nombr’e como comandante departamental di Cochabamba.

Algun actor di oposicion ta kere cu tabatin un vinculo cercano entre Morales y Davila, un rumor cu a tuma forza na momento cu a difundi potret di un celebracion di cumpleaños di e ex-presidente, na october di 2019, den cual por mira e ex-coronel. Sinembargo, Morales a nenga di tin un vinculo fuera di ambito institucional, a bisa cu tabata otro funcionarionan kendenan tabata encarga di coordina cune y cu su presencia na e cumpleaños tabata “cortesía” pa “diplomacia”.

No ta prome biaha cu un hefe policial Boliviano ta involucra den delitonan di narcotrafico. Anteriormente otro agente di polis a keda investiga pa DEA pa su vinculo cu rednan internacional di trafico di droga, manera Rene Sanabria, Omar Rojas Echeverria, Oscar Nina y Gonzalo Medina.

Jamaica: Henry ta priminti transformacion di e sector global di servicio

(JamaicaObserver) - Vice-presidente di Autoridad di Waf di Jamaica y ex presidente di e Asociacion di Servicio Global di Jamaica (GSAJ) Gloria Henry a revela cu, entrante otro aña, tecnologia disruptivo, manera inteligencia artificial y e uso di robot, lo ta entre e hermentnan usa pa transforma servicionan ofreci pa miembran di GSAJ.

“Nos mester sigui posiciona nos mes: posiciona nos mes

strategicamente pa loke ta trata nos talento y nos capacidadnan, posiciona nos mes pa loke ta trata nos habilidad pa acomoda, y posiciona nos mes pa loke ta trata nos habilidad pa diversifica y agrega balor,” Henry a declara.

“E companianan cu ta agrega balor ta esnan cu probablemente lo prospera. Outsourcers no ta buscando economisacion di gasto asina tanto mas. Nan kier innovacion y nan kier balor. Nos tin cu pone nos mes na van-



Trinidad y Tobago: 14 mil chauffuer prohibi di ta riba caminda

(TrinidadExpress) - Tin 14 mil chauffeur cu no ta suppose di ta riba camster ta aminda na Trinidad y Tobago pasobra nan a surpasa nan limite di puntonan di demerito. Pero no tin manera pa ministerio di Obra y Transporte por constata si nan ta observando e prohibicion aki of si nan ta desafiando esaki.

Esaki a ser bisa na e Comision di Seleccion Conhunto riba Tera y Infraestructura cu a haci un investigacion riba e Sistema di Puntonan di Demerito. E Comision a ser bisa cu “dos di e chauffeurnan cu a muri durante fin di siman” a ser descualifica di ta riba caminda. Pa un persona cu tin un permiso di stuur pa mas cu 12 luna y ta acumula dentro di un periodo di tres aña dies of mas, pero menos cu 14 punto di demerito, e Autoridad di Licencia lo descualifica e persona ey di tin of haya un permiso di stuur pa seis luna.

Pa 14 of mas, pero menos cu 20 punto di demerito, e Autoridad di Licencia lo descualifica e persona ey di tin of obtene un permiso di stuur pa un aña y pa 20 of mas punto di demerito e Autoridad lo descualifica e persona ey di tin of obtene un permiso di stuur pa dos aña. Presidente di e Comision Deorooop Teemal a bisa cu e cantidad di chauffeurnan cu a alcansa of surpasa e limite di e puntonan di demerito tabata aumentando constantemente riba un base anual.

Na 2020, tabatin 1.305; na 2021 tabatin 6.937; na 2022 10.278 y 2023, 14.021.

Miembro di e Comision Dr. Muhammad Yunus Ibrahim a puntra con sigur e ministerio

tabata cu e chauffeurnan aki cu a ser descualifica di ta riba caminda no tabata desafia e prohibicion. Tambe e kier a sa kico tabata e proceso pa informa e chauffeurnan aki cu nan a surpasa e limite y no mester ta coriendo riba caminda. “Nos ta compronde cu tin un piedra di tropica di hende cu no kier acepta e documentacion a traves di TTPost...Bo ta sinti bo comodo cu e 14 mil chauffeurnan ey ta for di caminda?” Ibrahim a puntra.

Secretario permanente den e ministerio di Obra y Transporte Sonia Francis-Yearwood a bisa cu mientras cu un aumento di 1.000 na 2020 pa 14.000 na 2023 tabata muestra “un salto alarmante”, e sistema a cuminsa durante Covid-19. “Sinembargo, hasta mirando esaki asina, nos lo ta di acuerdo cu 14 mil ta un cifra halto...y esey ta algo cu nos como individuo mester pensa riba dje pa loke ta trata nos custumber- y practicanan di stuur. Pa loke ta trata si nos ta sigur cu e hendenan aki ta for di caminda, no nos no ta. Pasobra tin un proceso pa trece esey y nos... ta hayando algun reto. Parti di e proceso ta cu bo mester entrega un notificacion (di e intencion pa descualifica) na e persona y e proceso cu nos a bin ta usando te awor ta TTPost y e entrega ta resulta di ta un reto pasobra aunke e ley ta bisa cu si bo cambia bo adres, bo mester bay y registra esaki na e Oficina di Licencia, esey ta algo cu no necesariamente ta pasando y pa motibo di esey, e entrega ta resulta di ta un reto,” el a bisa. El a bisa cu e ministerio a propone pa bin un cambio den e metodo di aviso pa publicacion den e corantnan diario.

guardia di innovacion y nos habilidad pa agrega balor na e trabou cu nos ta haci,” el a agrega.

Henry a busca pa kita e nocion cu e sector, cu a pasa door di varios transicion durante e ultimo 50 aña, ta djis temporal.

“Mayoria di boso hobennan lo no conoce e dianan cu nos tabata manual. Nos lo a busca caha na aeropuerto, hiba nan na e zona liber, procesa nan, core bay back lihe pa coy e vuelo di Air Jamaica. Nos a transiciona pa diferente etapa di avance tecnologico. E ta e

mesun transicion cu nos ta pasando aden awor,” e experto di BPO y logistica a argumenta.

Henry tambe a atende e nocion di inteligencia artificial (IA) cu tin un impacto negativo riba e sector.

Aruba Bank ta orguyoso di sostene futuro lidernan den business door di sponsorship di e curso “Comprehensive Business Analysis” di Universidad di Aruba

Aruba Bank ta orguyoso di duna su sosten na e curso di Comprehensive Business Analysis di Universidad di Aruba (UA). E iniciativa aki ta refleha nos compromiso cu educacion, innovacion, y desaroyo di futuro lidernan di negoshi den nos comunidad.

E curso “Comprehensive Business Analysis” ta duna estudiante e habilidadnan necesario pa analisa companianan publico, cu enfoca riba e sector di servicionan pa mascota. Bou di guia di Aruba Business College (ABC), studiantenan a realiza investigacionnan profundo, creando raportnan detaya cu ta brinda gran balor pa profesionalnan den e industria. Aruba Bank ta honra di forma parti di e esfuerso educativo aki, cu ta duna poder na estudiante mientras cu e ta fortalece e brug entre educacion y e sector di negoshi.

Aruba Bank ta kere firmemente den e importancia di inverti den e crecemento y exito di nos comunidad, cuminsando cu educacion. E sponsorship pa e curso aki ta permiti Aruba Bank di contribui na e desaroyo di nos lidernan di futuro, mientras cu nan ta sostene e iniciativa cu ta alinea cu nan balornan central di innovacion, conocimiento, y progreso.

E curso a culmina dia 11 di december 2024, caminda tur e studiantenan a presenta nan analisis final. Premionan a wordo entrega na e teamnan y individuanan cu a sobresali. E premionan aki, destina pa meta educativo, ta enfoca riba fortalece e habilidadnan di negoshi di e ganadornan y promove nan crecemento profesional.

Nos kier felicita tur estudiante cu a forma parti di e curso fantastico aki.



Concurso Miss Nederland ta yega su fin despues di 35 aña y ta reemplasa pa plataforma nobo



(NLTimes) - E concurso Miss Nederland a caba oficialmente despues di 35 aña, su doño Monica van Ee a anuncia diahuebs. E competencia lo keda reemplasa pa un plataforma online nobo, Niet meer van deze tijd, cu e meta di sostene y empodera muhenan hoben.

Van Ee a describi cu e con-

curso ta laga “un legado unico” pero a bisa cu tempo a yega pa un cambio. “E corona no ta reson mas cu e mundo di awe,” el comenta. “Loke ta importa awo ta crea un espacio unda hende muhe por lanta otro y crece.”

Amber Rustenberg, corona den Juni, tabata e ultimo Miss Nederland. E lo dedica e resto di su tempo den e posicion

aki den promove su plataforma nobo. E plataforma nobo, Nietmeervandezetijd.com, ta diseña pa libera for di e ideanan convencional, “Nos ta ofreciendo algo fresco y emocionante cu hendenan no a mira prome,” Van Ee a bisa.

E sitio aki lo cubri topiconan manera expresion propio, diversidad, salud mental y salud

fisico, creatividad y cambio den sociedad. “Nos lo trece expertonan y experiencianan personal pa atende e problemanan grandi di awe,” el a agrega.

E plataforma tambe ta busca duna muhenan hoben un bos y un outlet pa colaboracion. “Rednan social y hobennan hopi biaha ta mira di manera negativo,” Van Ee a bisa. “Nos kier cambia pa fit e narrativa aki y crea algo positivo.”

E decision di reemplasa e concurso ta bini parcialmente for di incidentenan negativo den añanan recien, incluyendo critica online y menasanan. Den 2023, Rikke Kalle, e prome muhe transgenero den gana e titulo, a ricibi menasanandi morto despues di su victoria.

E concurso di Miss Nederland a cuminsa den 1989, evolucionando for di e concurso di Miss Holland den aña 1930.

Chanel ta nombra diseñador Matthieu Blazy como director artistico nobo



(AP) - Un di e rolnan mas prestigioso den moda global a ser yena, ora cu Chanel a nombra e diseñador Frances-Belga Matthieu Blazy como su director artistico nobo, e cas di moda a anuncia diahuebs.

E homber di 40 aña lo maneha tur coleccion pa e di dos marca di luho mas grandi na mund cuminsando aña 2025, reemplasando Virgine Viard, ken a separa di e cas anteriormente e aña aki. Blazy ta yega cu un reputacion pa innovacion y habilidadnan, perfecciona durante trabao na Raf Simons, Maison Margiela y Celine Bao Phoebe Philo. Mas recientemente, e tabata director creativo na Bottega Veneta.

E president di Chanel Bruno Pavlovsky a elogia su metodonan “poderoso”, agregando cu Blazy ta “hunga cu codigonan y herencia di e cas” pa hiba esaki “den direccionnan nobo emocionante.”

“Mi ta emociona y honra,” Blazy a comenta.

Criticonan a nota cu Blazy su

edad relativamente hoben ta sugeri cu Chanel por ta posicionando e pa un trabao di hopi tempo den e posicion aki, similar na e 36 aña cu Karl Lagerfeld a pasa na mando. Su designacion ta marca solamente e di 4 diseñador den Chanel su historia di mas di 100 aña, despues di Lagerfeld, Viard y fundador Gabrielle “Coco” Chanel.

Viard, ken a bini despues di Lagerfeld su fayecimento den 2019, a bay e aña aki despues di mas di 3 decada cu e marca, un salida repentino anuncia den oranan laat i anochi prome cu e show di e marca.

Pa un cas conoci pa e ehecucion particular di su imagen, e anuncio a sinti inusual. Despues a keda revela cu Viard no lo maneha su presentacion final, cu su ekipo maneho e coleccion nasu luga.

Criticonan ta bisa cu Blazy su señalnan di yegada ta un capitulo nobo pa Chanel, mesclando herencia cu modernidad mientras e cas ta pone bista riba futuro.

We are looking for a professional who is optimistic and with a great attitude to join us as:

Junior Marketing Coordinator

To provide administrative support to the marketing department which includes working with the marketing team to manage the brand, product portfolios and supporting marketing initiatives, media, budget management and support for digital marketing efforts.

QUALIFICATION/EDUCATION AND EXPERIENCE:

- Minimum of Associates Degree in Marketing, Digital Marketing and/or related discipline or relevant job experience in the Marketing Field
- Two years of experience in Marketing or related field

KNOWLEDGE, SKILLS AND ABILITIES:

- Excellent strategic and creative skills with emphasis on business & brand focus thinking skills
- Ability to think big, delivering innovative strategic solutions
- Demonstrated ability to handle multiple assignments and adapt to changing priorities

Send your CV and motivation letter to: Robert_Cristina@unicomer.com

Baluartenan di Noord Sr. Felix Flanegien (Qepd) y Sr. Charro Kelly (Qepd) a ser honra

"Cu e desvelo di e borchinan aki, nos ta duna honor na baluartenan cu a significa hopi pa Aruba y specialmente pa e districto di Noord"




Diahuebs 5 di december 2024, Prome Minister Evelyn Wever-Croes tabata presente na un ceremonia na unda a honra dos baluarte di Noord, señor Felix Flanegin (qepd) y señor Charro Kelly (qepd), cu tabata politiconan cu a sirbi pais Aruba dignamente.

Prome Minister a indica cu sigur esaki ta hopi special, mirando cu tur dos politico a fungi den varios funcion, trahando semper na bienestar di Aruba. Señor Felix Flanegin aparte di su carera den enseñansa, tabata diputado y miembro di Con-seho Insular y señor Charro Kelly tabata e prome minister di obra publico, y esun conoci pa a pone e fundeshi pa nos careteranan den bario.

Prome Minister a splica cu pa varios aña caba conocirnan y famianan a haci un peticion pa nombra caya na honor di ambos baluarte como aprecio pa tur loke nan a nifica pa e comunidad di Aruba. Sinembargo e proceso aki a tarda, pero danki na e insistencia di Parlamentario Ricky Hoek, esaki a bira un realidad.

Cu hopi orguyo, den presencia di algun minister, parlamentario, famia y conocirnan a desvela e borchin na honor di Felix Flanegin cu ta e caya na e rotonde di Plaza Tino Ruiz y Warda di Polis di Noord bay ariba te na e crusada di Montaña, y na e mesun rotonde bay pabou pa Palm Beach ta e caya dedica na honor di señor Charro Kelly.

"Cu desvela di e borchinan aki nos ta duna honor na baluartenan cu a significa hopi pa Aruba y especialmente pa e districto di Noord. Mi ta gradici tur famia cu tabata presente pa e bunita palabranan, pero especialmente pa presta nos nan casa, nan tata, y nan ruman pa por a traha pa pais Aruba. Pabien Noord, y pabien na tur famia pa e reconocimiento bunita aki," Prome Minister a expresa.



Converti bo compranan di tur dia, den **momentonan inolvidabel**


Activa bo tarheta Bankomatiko+ Debit awe mes y ricibi recompensa cu cada compra. Cu cada compra di Afl. 100.00 of mas, bo tin chens un gift card exclusivo.

*Mara na cierto stipulacion y condicion. **Valido pa transaccion den tienda y online.

E campana aki ta valido te cu dia 31 di december, 2024.

+297 593 6374 | eAmigo Contact Center: +297 522 3000 | cmbnv.com | CMBnews | bobancoamigo@cmbnv.com

Gene antiguo ta punta ora humanonan y Neandertalnan a mescla y a biba conhuntamente



(AP)—Neandertal- y humanonan probablemente a mescla nan genetica durante un periodo chikito 45,000 aña pasa, segun científiconan a reporta ayera.

Investigadornan a analisa genenan antiguo pa punta na e periodo, cual ta un tiki mas recien cu calculacionnan anterior pa e mescla.

Humanonan moderno a aparece na Africa shen miles aña pasa y eventualmente a plama pa Europa, Asia y mas leu. Na caminda nan a conoci y a pari cu Neandertalnan, lagando un marca riba nos código genético.

Científiconan no sa exactamente ki ora of con e dos grupo aki a mescla. Pero fragmentonan di weso antiguo y genenan ta

yudando científiconan yega na un contesta. “Data genético for di e muestranan aki en berdad ta yuda nos pinta un pintura den mas detaye,” segun co-autor di e estudio Priya Moorjani na University of California Berkeley.

A publica e investigacion ayera den e journalnan Science y Nature.

Pa por punta específicamente riba e periodo, investigadornan a tira un bista riba algun di e genenan humano mas bieu for di e craneo di un hende muher, yama Zlatý kun of Golden Horse pa un sero na Republica Checo unda a descubri esaki. Tambe nan a examina fragmentonan di weso di un poblacion humano antiguo na Ranis, Alemania, aproximadamente 230 kilometer leu di

e prome descubrimiento. Nan a haya rastronan di DNA Neandertal cu a localisa e tempo di mesclamento rond 45,000 aña pasa.

Den un estudio separa, investigadornan a rastrea señalnan di Neandertal den nos código genético durante un periodo di 50,000 aña. Nan a descubri genenan Neandertal relacion cu inmunidad y metabolismo cu por a yuda humanonan antiguo sobrevivir y florece pafó di Africa.

Ainda nos ta carga e legado Neandertal den nos DNA. Aspectonan genético awendia conecta cu color di cuero, color di cabey y hasta forma di nanishi por ser conecta back na nos bisñanan extinto. Y nos código genético tambe ta contene echo di otro



un grupo di humanonan extinto yama Denisovans den Ingles.

Estudionan di genetica den futuro por yuda científiconan resolve exactamente kico—y ken—nan ta constitui, segun Rick Potts,

director di e programa Human Origin di e Smithsonian ken no tabata envolvi den e investigacion nobo. “For di e varios areanan irresistible di investigacion científico, un di nan ta: wel, ken nos ta?” Potts a bisa.

Expertonan ta crea un index di calor nobo pa haci evaluacion di riesgonan mas facil



(NLTimes)—Expertonan di varios institucion a crea un manera nobo pa splica e impacto di calor den un manera cu ta facil pa comprende pa tur hende. Nan ta yama nan index nobo “poder di calor.” E termino aki ta mira temperatura combina cu humedad, calor radiante y biento.

“Por medio di combina tur e factornan aki, bo por haci un miho evaluacion riba dianan calor compara cu temperatura so. Di e manera aki, bo ta percura cu hende por prepara nan mes miho pa un cierto dia caloroso,” e iniciadornan a splica. E index aki a ser desaroya pa Nederlandse Organisatie voor toegepast-natuurwetenschappelijk onderzoek (TNO), Koninklijk Nederlands Meteorologisch Instituut KNMI, Rijksinstituut voor Volksgezondheid en Milieu (RIVM) y Vrije Universiteit. E motibo pa desaroya e sistema aki ta cu hende humando mester

mancha calor mas frecuente pa via di calentamento global.

E institucionnan kier yuda ambos e publico y empleadonan den varios profesion. E index lo por yuda adultonan mayor y bishitantenan di evento pa tuma medidanan adecua. “Mayoria biaha, nos ta mira e temperatura so, pero tin otro factor cu tambe ta crucial pa e efecto di calor riba un persona,” segun termofisiologista Boris Kingma di TNO a splica.

E idea ta cu poder di calor lo ta un scala facil pa comprende den un manera similar cu poder di biento “cu rapidamente ta causa un asociacion cu mayoria hende.” Con e index lo parce precisamente ta algo cu e inventornan ainda ta trahando riba dje. Por ehempel, ainda mester dicidi pa cual number e index lo bay. Den visualisacionnan, esaki a ser demostra den cuatro color: cora, oraño, geel y berde.



ANUNCIO

SETAR ta informa orario adapta pa su Teleshopnan:

- **Diasabra 14 di december 2024 di 7.45 am pa 11.30 am.**

E Kiosk na Airport y e Contact Center lo keda duna servicio orario normal. Pa cualkier pregunta por yama 114 of Whatsapp na 597-9999.



Team Snor a clausura año 2024 cu tremendo “Nos Cu Nos”!

Team Snor, e ekipo practicamente “home team” dje palacio di domino aya na Kudawecha/Calabas, e famosísimo y mundialmente conoci Domino Square Garden, a clausura año 2024 c’un tremendo torneo “NOS cu NOS”! Un año por cierto cu a bay invicto pa Team Snor, e ekipo bou liderazgo dje flamante “Snor” Perez.

Diadomingo 8 di december, cuminsando pa 2 or di merdia, despues di un “peptalk” di “Snor” Perez splicando su vision pa 2025, e integrantenan di Team Snor a pone nan emocion “op nul”, y a cuminsa bataya otro pa wak ken ta bay cas e año aki cu e famoso y tan anhela “Snor wisselbeker”.

E bataya ta ranca sali “a toda maquina”, y den prome rond, Ronny Gomez y Lee Thompson ta manda Obispo y Joshua loser’s round; Snor cu Nassy ta pone Glenda cu Pol bay sinta bek den banki; Gilbert y Junior no tin piedad pa Romana y Wilson; y por ultimo Tony cu Piero ta suta Roy cu Stanley.



Den di dos buelta, Ronny cu Lee ta traha un Nasi Goreng di Snor cu Nassy; Gilbert y Junior ta duna un mocion di desconfiansa na Tony y Piero. Den e tremendo semifinal, Rony cu Lee ta baha cabes pa Gilbert y Junior kendenan ta bay warda confortablemente ken lo sali victorioso di Loser’s Round!



Den Loser’s Round e caminda ta laargo! Romana cu Wilson ta dobla Glenda cu Pol den envelop, plak stampia y manda nan cas; Obispo ta hacui un oracion pa su patna Joshua y nan dos “con el poder del mas allá” ta logra core cu Roy cu Stanley. Pero, e oracion no a wanta mucho: Romana cu Wilson ta haci un exorcismo riba Obispo y Joshua! Fuera!

Tony cu Piero ta tira Snor cu Nassy den drum, pa despues pone Romana y Wilson tambe den e pakete di “Re-

tour to Sender”! Den e ultimo bataya di Loser’s Round, Lee cu Ronny ta “terminate” Tony cu Piero nan “dream” p’e año 2024. E gran final ta bay aden entre Gilbert cu Junior vs Ronny cu Lee, y despues di un bataya di corta rosea, finalmente Ronny Gomez y Lee Thompson ta sali campeón “NOS cu NOS” 2024! Team Snor ta clausura 2024 den un tremendo ambiente y kier desea tur fanatico di domino y pueblo di Aruba en general un Bon Pasco y Prospero 2025!

Hoben di Chelsea Marc Guiu ta anota dos biaha den victoria di 3-1 contra Astana den Conference League



(AP) - E ekipo hoben di Chelsea cu haci un biahe largo na Kazakhstan a probacha e oportunidad pa medio di gana 3-1 contra Astana diahuebs pa keda perfecto den UEFA Conference League.

Marc Guiu a anota dos biaha dentro di 5 minuut den prome mita. E delantero di 18 año a habri e anotacionnan di e wega cu un esfuerzo solitario den e di 14 minuut y a agrega su di dos despues di topa cu un pase di Pedro Neto den e condicionnan sumamente friu di e capital.

Guiu, ken a uni Chelsea for di Barcelona e zomer aki, a anota 3 biaha den e competencia.

Renato Veiga, ken tin 21 año, a anota e di 3 for di un skina



prome cu Marin Tomasov a anota pa e anfitrionnan mas durante e prome mita di e wega. Neto tabata e unico hungado cu ta keda for di e ekipo cu a logra victoria contra Tottenham di 4-3 riba diadomingo den Premier League.

Chelsea tabatin 15 punto riba e resultado di e tercer nivel di competencia cu un wega mas pa hunga den e fase di liga. Den otro wega mas trempan, ekipo di Suecia Djurgarden a logra victoria contra Vikingur 2-1 na Iceland.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Mario B. Middendorp Opinion tocante eleccion



E dos partidonan MEP y AVP, sequencia segun e lista di votacion, a saca en principio 6 asiento cada un cu hunto ta forma un total di 12 asiento. E diferencia di e cantidad di voto entre e dos partidonan aki tabata masha poco. Pa mi esey ta un indicacion cu pueblo a vota pa e dos partidonan aki forma un cualicion.

For di comienso di nos Status Aparte na januari 1986 e dos partidonan aki a goberna nos Pais sea nan so of cu otro partidonan. Nunca nan a forma un coalicion aunke varios biaha e pueblo a indica esey. Tin cos cu a bay bon pero tambe hopi cos cu a bay robes. E cosnan cu a bay robes a pone cu nos ta awor unda nos ta cu un debe biyonario.

A yega tempo pa laga odio, venganza y orguyo un banda y forma un cualicion, segun deseo di mayoria di nos pueblo, pa traha hunto y drecha e situacion aki na bienestar di nos dushi Aruba. Mi ta sigur cu esaki ta locual e partidonan MEP y AVP debe nos pueblo! Ta nos tur ta arubiano y nos tur ta stima nos pais. Pone e bandera di Partido un banda y gara e bandera di Aruba!

Skirbi pa Rycond do Nascimento: Perseverancia lo vence e odio di “los pobresitos”

Patrick Paskel cu Speed Andrade no ta gusta mi. Prome nan a cuminsa cu “e no tin caya”. Nan a sigui “Evelyn a priminti e un number riba lista di MEP”. Despues nan kier bende mi como un fracaso cu no por haya voto. E motivo pa tanto odio ta obvio.

Mi ta combatiendo e sistema di patronahe politico y di corrupcion cu ta empobreciendo nos hendenan den un forma structural. Sin embargo ta hustamente e sistema ey a yuda enrikece Patrick cu Speed. E rapport di RDA ta muestra cu bao di Mike Eman y Mike de Meza RDA a bira un neishi di AVP. E casonan penal di Speed ta muestra cu el a soborna polis pa ta prome den noticia. Asina 24ora a bira un imperio mediatico danki na un sistema corrupto. Nan rabia ta cu e acogida di mi palabranan ta creciendo. Esey ta un peliger pa nan imperio y nan cartera.

Toch tin tres cos cu mi ta haya straño na e manera con Patrick cu Speed kier ataca mi. Na prome luga nan kier play victima, mientras ta nan ta e gigante mediatico na Aruba. E duo kier nos haya duele di nan: ay ta pica pa “los pobrecitos”. Na di dos luga mi ta haya straño cu nan a scohe e manera di mas hipocrita pa ataca: nan kiermen cu mi ta lastra nan, mientras henter nan show ta draai rond di lastra hende na smaak.

Mas hipocrita cu esey bo no ta haya. Na di tres luga mi ta haya nan yoradera straño, pasobra ta nan mes a cuminsa e guerra. E guerra entre ami cu e duo aki a cuminsa riba Enfoke dia cu mi a voto PRO e presupuesto 2024. E dia ey Speed a cuminsa cu su campaña di insulto, obviamente pa defende AVP y mal gobernacion financiero.

Desde e tempo ey nan rabia y odio contra mi a sigui crece, pasobra mi textonan ta dal nan duro cu e berdad y berdad ta pica lenga. Pero, mi mester admiti cu tin biaha mi ta sinti duele di nan. P’esey mi ta duna Patrick un man si mi mester dal den dje of mi

ta pone mi man riba schouder di Speed ora mi wak e den Kowloon.

Los di nan inclinacion pa ataca husticia y defende bandides, mi ta kere cu nan comportacion di bullying probabelmente ta sconde un vulnerabilidad emocional. Si esey ta e caso, nan tin mester di un mecanismo emocional pa nan sinti bon cu nan mes. Nos tur sa cu ambos a lucha cu obesidad extremo y a wordo ridiculisa pa nan peso. P’esey nan agresividad verbal por ta un refleho di nan lucha cu autoestima abao, un mal imagen corporal y sentimiento di rechazo. Ken sa si nan tabata victima di abuso y asina bullying a bira un salida pa emocionnan negativo?

A pesar di e guerra di Patrick cu Speed contra mi, awe mi tin 1000 voto riba mi nomber. Esey ta cinco biaha mas voto cu tempo cu 24ora tabata stima mi ainda. Nan tabata stima mi, pasobra mi tabata den AVP. Pero, ni cuanto nan purba bende mi como fracaso, e realidad ta cu di tur 21 parlamentario cu ta sinta den Staten ta mi persona a haya e crecimiento mas grandi den voto (500%). Anto ningun otro parlamentario mester a bataya cu e gigante 24ora nan so, cu tiki recurso y cu plataformanan alternativo.

Pa loke ta trata e contenido di nan atake, mi contesta ta masha simpel: e 1000 voto cu mi a haya ta refleha crecemento, determinacion y curashi. E 1000 voto cu mi a haya ta un prueba cu principionan y perseverancia ta mas importante cu e odio y rencor di cualkier pobresito. Mi biahe apenas a cuminsa. Cada obstaculo ta hasi mi mas fuerte, y cada voto ta un confirmacion cu politica sincero y di contenido ta e futuro real.

Tur cu ta soña di un cambio real: durf di para pa loke bo ta kere. Cana e caminda dificil cu mi. Paso-bra al fin, nos fe y curashi lo vence tur bos y media maligno. Nos fe y curashi lo habri caminda y lo inspira otro.



Accidente entre un brommer y un auto dilanti Kooyman



Diaranson merdia a drenta informe di un accidente unda cu un auto lo a dal un brommer dilanti di Kooyman na Cumana, mesora a dirigi un patruya na e sitio.

Na yegada di e patruya a bin compronde cu aki ta trata di un accidente entre un auto y un brommer unda ningun hende a resulta herida.

Chauffeur a causa un accidente pero no a logra yega leu pa motibo cu e bumper a bay bao di e auto



Diahuebs madruga a drenta informe di un accidente hit & run na Macuarima, mesora a dirigi un patruya na e sitio.

Na yegada di e patruya e chauffeur no a logra bay leu debi cu e bumper a bay bao di e auto y esaki tabata strob'e. Polis a bay atende cu e chauffeur y a deten'e pa a core auto bao influencia y causa un accidente.

Coriente a dal electricista y a bente abao durante trabao na un Hotel den construcccion



Diaranson mainta a drenta informe di cu coriente a dal un contratista di electricien y a bent'e abao na un hotel den construcccion na Eagle Beach, mesora a dirigi tanto polis y ambulans na e sitio.

Na yegada di e ambulans nan a atende e victima y a transport'e pa hospital pa un control mas extenso. Na yegada di e polis nan a ricibi e informacion y na yegada di D.T.I. nan a tuma e investigacion over.

Cuminda a explota y a kima mucha muher menor di edad

Diaranson atardi a drenta informe di un caso di cu un mucha muher menor di edad lo a kima su mes cu cuminda ora esaki a explota, mesora a dirigi un ambulans na e sitio.

Na yegada di e ambulans nan a atende e mucha y a transport'e cu urgencia pa hospital.



Dama a cay flauw na consultorio di veterinario



Diaranson merdia a drenta informe di cu un dama a cay flauw na consultorio di un veterinario, mesora a dirigi un patruya na e sitio.

Na yegada di e patruya a bin compronde cu e dama lo a cay flauw pero mesora e personal di ambulans a atend'e y a logra trec'e bij.

Pa un miho ambiente di trabou

KPA a inicia curso tocante persona di confiansa

Pa altocomisario di Polis drs. Ramon Arnhem ta importante pa enfoca riba e seguridad na pia di trabou. Den e cuadro aki a inicia curso tocante persona di confiansa. Pa cual 6 persona a wordo selecciona despues di un proceso di aplicacion.

“Nos ta duna prioridad na salud, cuida bienestar y seguridad pa nos coleganan. Como organizacion policial nos ta un bon hefe y nos ta spera tambe cu nos empleadonan tambe ta comporta nan mes bon. Un ambiente di trabou socialmente sigur ta

e base fundamental den nos organisacion interno y nos lo sigui activamente cu e meta aki” tabata palabranan di altocomisario Arnhem.

Un persona di confiansa ta independiente y ta disponibel pa asisti y guia coleganan cu a experencia un sintimento incomodo of un experencia desconfortabel na trabou. E persona di confiansa ta pa scucha esnan cu ta bay den situacionnan aki y duna nan informacion y conseho. Persona di confiansa tambe tin e tarea pa detecta problema y pa informa e hefe di Polis sin cu pidi.



Accidente banda di D.O.W. unda tin declaracion contradictorio



Diamars atardi a drenta informe di un accidente cu declaracionnan contradictorio banda di airport.

Un chauffeur a declara cu e otro chauffeur cu tabata banda pabao di caminda a hala riba dje banda pariba y dal e mientras e segundo ta bisa lo contrario. Polis di trafico a bini y a resolve e accidente aki.

Accidente chikito na Ponton unda un auto so a haya daño

Diamars atardi a drenta informe di un accidente na Ponton, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un auto a lora y a bay dal su parti patras na e otro auto pero e otro auto no a ricibi nada di daño.



Accidente hit & run na Pos Abao



Diamars atardi a drenta informe di un accidente hit & run panort di Fantastic Gardens na Pos Abao, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e otro auto a bay pasobra e tin hopi cos di haci.



Feed The Kids Day ta diadomingo awor

Manera ya ta conoci GLW Foundation ta organisa diadomingo awor 15 di December 2024 pa di 5 edicion di “Feed The Kids Day” cu normalmente ta tuma lugar den luna di November pa Dia Internacional di Derecho di Mucha pero debi na luto y otro compromisonan mester a move e fecha pero Tio George no kier a laga e evento aki pasa sin wordo realisa paso e ta un treat pa e muchanan , y pa Tio George tur dia ta dia di mucha.

Ta invita tur mucha pa yega den auto diadomingo awor , no mester ni baha di auto, djis yega Centro di Bario Tanki Leendert di 11or mainta pa 2or atardi y tuma un pakete di Pan cu Hotdog y Cos di Bebe completamente GRATIS.

E evento aki ta bay estilo Drive Thru dus ge-woon yega Centro di Bario den auto y djis pasa busca e treat aki net 10 dia prome cu Pasco.

Metodo nobo pa entrega di Manpower Planning 2025



DAO ta introduci un metodo nobo cu ta dinamico, flexibel y transparente pa colecta y publica e Manpower Planning (necesidad di personal) a corto y a largo plaso riba e mercado laboral y ta pidi bo cooperacion den esaki.

E Manpower Planning tin su base legal den e Ordenansa Laboral 2013 (Arbeidsverordening 2013, AB 2013 no. 14) cual ta vigente desde 1 di april 2013. Un dunado di trabou tin e obligacion, basa riba articulo 30 punto 1 di e Ordenansa, pa manda un Registro di Personal riba peticion di e Director di e Departamento di Labor & Investigacion (Directie Arbeid & Onderzoek, DAO). E Registro di Personal ta consisti di tres parti, esta Modelo 1A den cual ta indica e personal cu tabata den servicio e aña anterior ; Modelo 1B den cual ta indica e necesidad di personal pa e aña venidero den un empresa; y Modelo 1C den cual ta indica e necesidad di personal en conexion cu un proyecto specifico pa e aña venidero.

Metodo nobo

Desde aña pasa a introduci un metodo nobo pa entrega di e documentonan aki na DAO. E metodo nobo ta encera cu e compania, via un portal cu su mesun datonan di login, ta haya acceso na e database LABORA di DAO pa yena/entrega e datonan di e Registro di Personal y e Manpower Planning. Asina e compania por mira su datonan laboral na cualkier momento.

Si bo ta desea di participa na e metodo nobo aki, por manda un email pa Sr. Simon Brete (simon.brete@aruba.gov.aw). Fecha di Entrega di Manpower Planning 2025

DAO ta haci un peticion pa medio di e comunicado di prensa aki pa entrega e Manpower Planning pa 2025 di bo compania y/o e necesidad di personal en conexion cu un proyecto specifico pa 2025. E entrega di e Manpower Planning ta cuminsa dia 4 di december 2024. Tene cuenta cu esaki!


King Classic Sudoku












			6	3	7			
8		9		4	2			
	4	5	9				8	3
6						9		
	8	1					6	4
3		7	8	1		4		
	1	8		5	3	6	7	
5	6		7			1		




Difficulty: ★★★★★

12/13

©2024 King Features Syndicate, Inc.

Resultado Sorteo 12 december 2024				
Cadena Alexander Lottery ta presenta resultado di weganan di suerte				
DIARIO		KORSOU	SUPER4	FLAMINGO
9180	0155	1516	6708	
6783	0288	SUPER5	1462	
0812	8998	-	0972	

MERDIA		ANOCHI	
			
Sorteo #		Sorteo #	
3628		0 x Jackpot	
5180		0 x Match 4+	
3427		0 x Match 4	
		0 x Afl. 12,00	
X2			
			
Sorteo #			
5444		Sorteo # 6683	
		0 x Jackpot	
X3		70 x Match 4	
		1994 x Afl 8,00	
Sorteo #		Proximo Jackpot	
7859		50.000,-	
			
Sorteo #			
1920			
CAPRICORNIO		Mega Ball	
		Proximo Jackpot	
Sorteo #		390.000,-	
942		Afl. 500.000,-	
			
FP			

			
Sorteo #		Sorteo # 170	
		121681	
			



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**

Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle: Aloe:
Tel. 587 9011 Tel. 584 4606
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Grupo di rescate ta salba muchu di 11 aña flotando den lama Mediteraneo pa dianan despues di naufragio



(AP) - Un muchu di 11 aña for di Sierra Leone a ser haya ta flota den lama Mediteraneo cerca di Italia su isla Lampedusa, ken aparentemente ta e unico sobreviviente di un naufragio di boto migrante cu a bay for di e waf di Sfax na Tunisia, un grupo humanitario a bisa diahuebs.

E muchu a ser salba pa un boto Aleman yama Trotamar III, cual a hib'e Lampedusa diaranson mainta, segun e caridad Aleman Compass Collective cu tin operando desde augustus di 2023.

E no tabatin ni awa ni cuminda cune y tabatin hipotermia.

"E tabata un coincidencia increibel cu nos a tende e bos di e muchu aunke e motornan tabata sendi," e boto su capitan, Matthias Weidenluebbert a bisa den declaracion di prensa.

Inmediatamente e empleadonan a paga e motornan y a busca e fuente di e bos, Compass Collective su Katja Tempel, e conta The Associated Press.

"E tabata sumamente cansa y cu friu, pero en general, e tabata bon ora cu nos a sake for di awa," Tempel a bisa die muchu.

Segun loke e muchu ta conta, e tabata flota den lama pa 3 dia usando tubonan infla cu awa y salbabidas. El a conta e rescaticanan cu e tabata cu 45 otro riba un boto di metal y e tabata den contacto cu otro personanan te dos dia prome cu e rescate, ora cu el a perde contacto cu nan.

"Nos no sa kico a pasa cu e hendenan aki," Tempel a bisa. "Nos ta asumi cu nan tur a hoga, pero nos no sa esaki."

E muchu a ser haya despues di e tormenta cu a dura dianan, cu biontonan yegando velocidadnan halto.



Pronostico di Tempo

Tempo:

Awe tardi y awe nochi:
parcialmente nubia cu
un awasero pasahero
Den marduga y mañan:
temporalmente hopi
nubia cu chance pa un
awasero local

Temperatura maximo 32
grado Celsius

Temperatura minimo 27
grado Celsius

Indice di calor (heat
index) den y rond di
oranan di merdia: 33 pa
38 grado Celsius
Uv index: 8

Bahada di solo : 6:15 pm
Subida di solo : 6:52 am

Biento:

Moderu for di direccion
oost- noordoost; forsa
3 te 4 (12 te 30km/ora,
7 te 16 nudo) durante
di dia basta fuerte te
posiblemente fuerte
Den rafaga; forsa 5 te 6
(31 te 50km/ora, 17 te 27
nudo)

**Situacion general di
tempo:**

Un coriente di aire for
di oost- noordoost lo
transporta abundante
humedad pa region local.
Esaki lo trece de bes en
cuando mas nubia riba e
isla cualnan por produci
algun awasero breve.
Esaki principalmente
den oranan di marduga y
mainta di diahuebs.

**Condicionnan
maritimo/ estado di
lama:**

Na partinan proteje di
costa: keto, rond di 1 pia.
Na partinan zuid: trankil
1 pa 2 pia localmente 3
pia.
Na partinan oost te
noordwest di costa:
generalmente modera cu
olan an alrededor di 4 pa
6 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Ma pa loke ta ami, lo mi keda vigila,
Sperando riba Yehova. Lo mi warda ku
Pasenshi riba Dios, mi salvador. Mikeas
7:7

Nos ta anuncia fayecimento di nos ser
stima:



Braula Tromp

*26 Maart 1936 - †8 December 2024

Na number di su:

Yunan: Franklyn y Patricia Franken
†Rudy Franken
Nestor y Florentina Franken
†Oscar Franken

Nietonan: Saskia y Patrick Fortin-
Franken, Daisy Franken y Remigio
Rasmijn, Mirjam y Bas Bruins-Franken,
Nathaly Franken, Julitsa Franken, Milton
Franken, Shamila Franken, Oscar Jr
Franken y Maira Alejandra Suarez Rivera

Bisanietonan: Kevin y Jaéndrah
Hernandez, Emily y Jacqueline Mohamed,
Jaythan Dovale, Mariana Franken Suarez

Rumannan: †Teresita Tromp y famia
†Catharina Oduber y famia
Bertha Fingal-Tromp y famia
†Andrea Tromp y famia
Pascualita Tromp y famia
Magdalena Tromp y famia
Livia Vrolijk Tromp y famia
Ali Milo Lacle y famia

Mihor Amiga: Patricia

Demas famia. amigonan, conocirnan
y bisñanan: Tromp, Franken, Ruiz,
Oduber, Fingal, Lacle, Arends, Vrolijk,
Muñoz, Trimon, Semeleer, Wolter,
Russel, Rusfeld, Stamper, Ras, Giel,
Hernandez Dovale, Mohamed, Suarez,
Wester.

Nos kier a pidi disculpa si nos por a lubida
un famia den nos tristeza

Nos ta invita bo pa acto entiero cu lo
tuma lugar diamars 17 di december 2024
na Aurora Funeral Home di 9or pa 11or
di mainta. Y despues lo sali bai pa santana
catolico na Noord.

Nos ta lamenta cu despues di entiero nos
no por ricibi bishita di condolencia na cas

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi
sosega.
E ta hibami na awa trankil,
Pa mi bolbe haña forsa”.
Salmo: 23

A laga nos cu Fé den Señor:



Elsa Elvira Boot-Kock

Mihor conoci como : “Elvira of Chivira”
Casa di Pieter Boot
*19-10-1947 Aruba
†30-11-2024 Colombia

Na number di su:

Yunan y nieta(o)nan:
Michel Boot y Rebecca Maduro (Aruba)
Amilia y Rachel y mama Patricia (New York)
Marco y Silvana Boot Arango (Aruba)
Stephany y Brandon
Monique Boot y Rene de Meij (Hulanda)
Nicky y Julian

Rumannan na Aruba:
Carmen de Cuba y famia
Chommy y Annie Kock vd Bosch
Chinchin y Denny Kock Willems y famia
Cholita y Alberto Oviedo y famia
Lidia y Erwin Borgelt y famia

Ruman na Hulanda:
Edwin Kock y Helena Jablonski y famia

Swa y cuñanan na Hulanda
Hanny y Willem Overduin y famia
Leo y Liesbeth Boot y famia
Jurien Boot y famia
Jan y Bertha Boot y famia

Marleen y Herman Huson y famia
Corien Boot
Marijke Boot
Eddy y Anjo Boot y famia

Y demas famia: Arends, Arango, Boot, vd
Berg, Borgelt, vd Bosch, de Cuba, Dijkhoff,
Erasmus, Garcia, Huson, Jablonski, Kock,
Maduro, de Meij, Paskel, Overduin, Oviedo,
Quist, Verloo, Willems

Nos ta pidi disculpa si den nos tristesa por a
lubida di menciona cuakier famia of conoci.

Acto di entiero lo tuma lugar Diasabra 14 di
December 2024 di 9’or pa 11’or di mainta na
Aurora Funeral Home. Despues lo sali bai pa
santana central na Sabana Basora.

Nos ta lamenta cu despues di entiero no ta
ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Libertad
No haci mi dolor
No kit’e fo’l mi
No laga mi keda sin bula manera un parha.
No tawata tin ni dia ni anochi.
No tawata tin momentonan cu mi no tawata pensa riba mi
famia.
No keda ningun dia sin gosa di dje.
Ni kita loke mi a haya sin paga p’e.
No tin placa pa paga pa bo “libertad”
Danki, Tata Celestial, pa duna mi “Libertad”
“Laga mi cu mi Libertad”
Autor: Jacky Geerman

Cu dolor na nos curason, nos ta participa fayecimento
inespera di nos ser stima:



Sra. Sandra V. F. F. Growell

*04-12-1962 - †09-12-2024

Acto di despedida lo wordo anuncia despues



December 13, 1929 - October 27, 2024

Cu profundo tristesa den nos curason pero conforme cu voluntad di Dios cu un bida
largo y bunita, nos ta anuncia fayecimento di

Selsa Lucia Croes

Su yiu: Drs Judella y Charles Haddad

Su nietonan: Dr Chuck Haddad y fiancée Ellen Merriman

Gabriela Haddad y Paul Haddad

Su rumanan: QEPD Milo y

Lina Croes QEPD Edwin y

Emmita Croes

QEPD Etty y Thomas Van Hugh Hassell

QEPD Milda Hudson

QEPD Aura y Maiky Vingal

Subrino y subrinanan:

Croes, Oduber, Arends, Hollander, Jansen, Vingal, Hassell, Hudson y Famianan.

Ta invita Famia, Amigo y Conocinan pa Selsa su Ceremonia di despedida cu lo tuma lugar
den Pro-Cathedral San Francisco na Playa December 13, 2024 for di 2-4 pm y despues lo
hiba su restonan na Santana Catolico den Caya Ernesto Petronia

Despues di Ceremonia nos no ta ricibi bishita di condolencia na cas.

Cu Selsa sosega na paz.

Aurora

Royal Pray

Funeral Home & Crematory

The LORD is my shepherd, I shall not be in want.
He restores my soul. He Guides
me in paths of righteousness for his name's sake.
Even though I walk through the
valley of the shadow of death, I will fear no evil, for
you are with me; your rod and
your staff, they comfort me.

It is with profound sadness that we announce the
passing of our beloved husband, father, grandfather,
brother and uncle;



Raymond Marvin Levenston

Also known as Monchi
Sunrise 4th of February 1955
Sunset 07th of December 2024

Left to mourn his loss are:
Wife: Evelina Levenston-Bernadina
Daughter: Jennifer & Farook Dahoe
Grandchildren: D'Jeandré & Rayshaw

Parents: †Arturo & †Joyce Levenston-John

Brothers:
†Alfredo & Mercedes Levenston-Willems & family
†Glenroy & Emelinda Levenston-Tromp & family
Junior Levenston & †Pamela Levenston-Banfield & family

Sister:
Sharon & Michael Illidge-Levenston & family

Nephews & Nieces:
Alvin, Ryan, Melissa, Jovanny, Junior, Monique,
Michelle, Tommy-Lee & Steffany

Cousins:
Nico John, Richard John, Lydia John, Adolf John,
Rosita John, Clifton Ollivierre, Robby Ollivierre

As daughters: Valentina, Roxanne, Fior

Good friends: Papito & Marvin

His ex-coworkers at Thrifty Car Rental.

Families: Levenston, Bernadina, Banfield, Brown,
Dahoe, Diaz, Donata, Friday, Granger, Halman,
Illidge, Jacques, John, Lourens, Maduro, Martinus,
Mitchell, Tromp, Ollivierre, Servani, Simons,
Susanna, Willems, Van Stralen.

The funeral service for the late Raymond Levenston
will take place on Monday, December 16, 2024. He
will be laid out at the Pray Funeral Home from 2:00
pm to 3:30 pm for condolences. The funeral service
will follow from 3:30 pm to 4:00 pm, after which
the burial will take place at the cemetery in Sabana
Basora.

Please note that we will not be receiving any
condolences at home after the funeral.

We sincerely apologize if, in our grief, we have
unintentionally omitted the names of any family
members.

Aurora

Royal Pray

Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi
ta banda di boso Curazon, mi por stens di loke
Señor ta hasi"
Salmo 33

Cu dolor na nos curason, nos ta anuncia
fayecimento inespera di nos ser stima:



José Daniel Tromp

Cariñosamente yama "Daniel"
*03-01-1953 - †08-12-2024

Na number di su:
Amor eterno: Clara "Trix" Orman

Yiunan: Julayska Clever-Tromp
Jamila Tromp
Jordany Tromp
Jourraïne Tromp na Hulanda

Nietonan stima: Justin y Josmar Henriquez,
Joshua Vrolijk, Germain y Danielito Clever,
Angelina Tromp, Joceline Geerman y Cataleya
Franco-Alarcon

Pret'i wowonan: Josara y Shaquill Solognier
Jayzion Tromp

Bisanieto: Dustin Henriquez
Manera yiunan: Leomar Solognier, Daniela
Tromp

Nuero: Danillo Clever

Subrinonan stima: Robert Gonzalez y Albi
Navas y demas subrino(a)nan.
Sua y cuñanan: Iris, Fatima, Rosa, Nidia, Luis,
Bensha y Victor
Comer y compernan, primo y primanan, ihanan,
conocer y bisñanan.

Demas famianan: Tromp, Orman, Clever, Dania,
Dijkhoff, Franken, Solognier, Donato, Quandus,
Koolman, Chundro, Fernandez-Belen, Croes,
Navas y Donata.

Ta invita pa acto di despedida cual lo tuma
lugar na Royal Funeral Home diabierna 13
di december 2024 di 2'or pa 4'or di atardi.
Cremacion lo tuma lugar despues den seno
familiar.

Condolencia lo tuma lugar na Royal Funeral
Home diahuebs 12 di december 2024 di 7'or pa
9'or di anochi.

Nos disculpa si nos por a lubida un number di
famia of conocer den e momentonan dificil aki.

Aurora

Royal Pray

Funeral Home & Crematory

"Dios ta amor.....y amor ta Dios, Maske mi no ta na
e mundo aki, tur dia lo mi ta banda di boso curazon, mi
por stens di loke señor ta hasi" Salmo:33

Conforme cu boluntad di Dios y gradecido na loke e a haci
y nifica pa nos, nos ta participa fayecimento cristianamente
di



Sra Viuda. Petra Filomena Petrochi-Farro

Cariñosamente yama Mena
*29- Juni- 1946 - †6- December- 2024

Na number di su esposo:
† Francisco Antonio (Tony) Petrochi

Yiu nan:
Anthony y Viviana Petrochi.
Eithel Petrochi y Rosa Aponte
†Wendell Petrochi
Yui di Criansa:
Gregory Eckmeyer

Mescos cu yiu:
Jeanny Donata- Kock esposo y yui
Wendy De la Cruz y yui

Nieta- y nietonan:
Angersi, Jonathan y Mylene Croes, Stacey, Axccl,
Giondrick, Jahélly, Jazionne, Grexionne, Jaxionne
Bisa-nieto y Bisa-nietanan:
Anver Petrochi, Mia-Alyseé y Xaiden Tromp,

Cu gratitud na su ayudante stima di cas: Maria Torres
Rumannan:
†Antonio (Tony) Farro
†Aura V/D Biezen-Farro
†Esteban Farro
†Estrella (Cheli) Tromp Farro
†Editha (Dita) Farro
†Pedro (Pe) Farro
†Julia (Je) Eckmeyer Farro
†Lauriano (Lan) Farro
†Maria (Ija) Farro
†Medarda (Da) Farro
†Hendrick (Dick) Farro
Agricola (Cola) Pareja-Andrade- Farro
Ludwinus (Tina) Quandus - Farro

Cuñanan: Sra vudia Alicia Petrocchi, Sra viuda Carmen
Farro-Luidens, Rika Quandus, Sra viuda Editha Farro-
Webb.
Swanan: Rafael Tromp, Carlos Pareja-Adrade
Ex Suegra: Patricia Ricon Ocampo
Bon Amiga y Amigo nan di cas:
Wilfrido y Sineida Allée, Rubia Young.

Sobrino- y sobrinanan, primo- y primanan, comer- y
compennan, tur iha.

Demas famia:
Farro, Petrochi, Everon, Abreu, Aponte, Ricon Ocampo,
Tromp, Croes, Donata, De la Cruz, Petrocchi, V/der Biezen,
Luidens, Wever, Jones, Tjon, Eckmeyer, Webb, Gomez,
Pareja Andrade, Quandus, Paesch, de Cuba, Willems,
Kelly, Britten, Lejuez, Odor, Ruiz, Pontiluis, Lampe, Giel,
Franken, Gonzalez, Jansen, Thodé, Vrolijk, Kelly, Britten y
demás famianan

Disculpanos si den nos tristeza nos por a lubida un of mas
number di famia
Oportunidad pa condolencia, diahuebs 12 di December
2024 for di 7.00 or te cu 9.00 or di anochi na Aurora
Funeral Home na Cumana
Acto di entierro lo tuma luga diabierna 13 di December
2024, for di 2:00 pa 4:00 di atardi den misa Juan Pablo II
na Tanki Leendert. Despues lo sali pa Santana Catolico na
Noord.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta pone mi sosega
E ta hiba mi na awa trankil
Pa mi bolbe haña forza”
Salmo 23

Nos ta anuncia fayecimento di nos ser stima:



Ysabel Dania-Arias
*30-07-1947 - †08-12-2024

Casa: †Teofilo Dania

Na number di su

Yiunan: Fidelina Arias y famia
Rosa Maria Brito-Arias y famia

Nietonan: Aneury Antonio Veras Brito y famia
Karina Mena Arias y famia
Loenqui Antonio Veras Brito y famia
Karolina Ysabel Mena Arias y famia
Nikaury Franchezca Veras Brito y famia
Reymon Antonio Mena Arias y famia

Bisanietonan: Andrew, Eduardo y Aaron

Rumannan:
Sergio Augusto Arias y famia
Federico Antonio Arias Brito y famia

Swa y Cuñanan:
Rudolf y Sita Dania y yiu
Elvira Dania
Lourdes y Orlando Villacis-Dania
Erwin y Lucia Dania y famia
Fabiola Dania

Sobrino y sobrinanan, ex Coleganan di
Renaissance Hotel

Demas famia: Arias, Dania, Brito Arias, Veras
Brito, Mena Arias

Ta invita tur amiga y amigonan, bisñanan y
conocirnan pa e acto di condolencia y entierro
cu lo tuma lugar diasabra 14 di december 2024.
Ysabel lo ta reposa for di 2’or pa 4’or na Aurora
Funeral Home. Pa 4’or ta sigui cu acto di
cremacion cual ta tuma lugar den seno familiar.

Nos disculpa si nos por a lubida di menciona
algun famia.

Despues di entierro no ta ricibi bishita di
condolencia na cas.

Aurora

Royal Pray

Funeral Home & Crematory

Ki alegria, ora nan a bisami:
“Ban cas di Señor!”
I awor, ata mi aki para na bo porta Señor.
Salmo 122

Cu dolor na nos curason, pero conforme cu
boluntad di Dios, nos ta participa fayecimento di:



Sr. Emerenciano Clemente Theysen
Cariñosamente yama “Emmy”
*23-01-1941 - †03-12-2024

Na number di su:

Mama: Sra. Vda. Fabia Nogera-Kock
Tata: †Simeon Theysen

Mama di su yiunan: Sra. Jean Banfield

Yiunan:
Beverly Theysen y Roland Geerman
John Theysen

Nietonan:
Naomi Chayadi y Lionel Maduro
Nathania Chayadi
Mark Theysen

Bisanietonan:
Dylan Gil
Tyler Gil
Lyahm Gil

Rumannan:
Rosa Abramo-Theysen y famia
†Liliana (Lily) Theysen y famia
Irena Velasquez-Theysen y famia
Walter Theysen y famia
Raymond Theysen y famia
Brenda Hermesen-Nogera y famia
Mirto Nogera y famia
Marcia Maria-Nogera y famia

Iha:
Ruthline Tromp-Theysen y famia

Tanta:
Filomena Gonzalez-Kock y famia

Pa e bon cuido y atencion di nos ser keri:
Wendy Theysen

Fundacion Hospice Atardi

Ta invita demas famia y amistadnan, mucho hopi pa
menciona, pa un acto di despedida cu lo tuma lugar
na Aurora Funeral Home Dialuna, 16 di december
2024 di 2or pa 4or di atardi.

Acto di cremacion lo tuma lugar den seno familiar.
Despues di cremacion no ta ricibi bishita di
condolencia na cas.

Oportunidad pa donacion na Fundacion Hospice
Atardi. Lo tin un box disponibel.

Nos disculpa si den nos tristesa nos por a lubida
cualquier persona.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
tin falta di nada
Den cunucu di yerba berde e ta
ponemi sosega.
E ta hiba mi na awa trankil,
Pa mi bolbe haña forza”.
Salmo: 23



Maria Irma Solognier-Rasmijn
Mihor conoci como: “Mama Irma of Jaja”
*09-30-1935 - †12-10-2024

Na number di su:

Casa: †Francisco “Chico” Solognier

Yiunan:
†Marcela Solognier
†Reymundo Solognier
Alex y Elvia Solognier-Croes
Kenny y Magdalena Solognier-Maduro
Mirla Solognier

Nieta y Nietonan:
†Gina Vrolijk-Geerman y Famia, Rodney Geerman y
Famia, Derrick Geerman Na Hulanda, Kendrick Solognier
y Famia, Tamara Ras y Famia, Michel Solognier y Famia
na Hulanda, Gabriel Solognier y yui, Thailia Dirksz-Ras
y Famia, Dariela Solognier y Famia, Eliane Werleman y
Famia, Christopher Rasmijn, Kaylee-ann Rasmijn, Jayden
Rasmijn

Bisanieta y Bisanietanan:
Osrick Bislip, Roxainne Clement, Rozanne Clement,
Garreth Vrolijk, Jarreth Vrolijk, Bjorn Tromp, D’dior
Tromp, Ashley Geerman, Rodney Jr. Geerman, Khloe
Tromp, †Ashantey Geerman, Jean-Nelly Croes, Luciano
Solognier, Maks Solognier, Ollie Solognier, Noah
Solognier, Ezekiel Dirksz, T-Jay Dirksz, Genesis Dirksz

Tataranieta nan: Gabriela Bislip, Cataleya Bislip

Ruman nan:
†Roberto y Vera Rasmijn y Famia
†Maria y pascual y Famia
Olga y †Jenny y Famia
Bruno y Jeta y Famia
†Marcolino Rasmijn
†Agnes y †Fernando y Famia
†Ireno y Rita y Famia
†Maximiliano y Patricia
Jacintha y †Pedrito y Famia
Vicente Rasmijn
Theresita y Famia
Thomas y Famia

Ihanan:
Alison Geerman
Shahaira Boekhoudt
Roberto Rasmijn

Sobrino y sobrinanan, primo y primanan, amigo y
amiganan y demas famia nan na Aruba, Bonaire, Corsow y
Hulanda.

Demas Famianan: Rasmijn, Solognier, Croes, Maduro,
Geerman, Ras, Werleman, Dirksz, Vrolijk, Ten Bohmer,
Clement, Bislip, Peternella, Willems, Tromp, Trott,
Nino Navas, Janga, Henricus, Janga, Vlijt, Kelly, Cornes,
Boekhoudt, Kock, Quant, Farro.

Disculpa nos si den nos tristesa nos por a lubida di
menciona un of otro famia y conocir.

Acto di entierro lo tuma lugar Diasabra 14 December 2024
na Pray Funeral Home na San Nicolaas di 2’or te cu 4’or di
atardi, despues nos lo hiba nos defunto stima na su ultimo
lugar di sosiego na Santana Catolico na San Nicolaas.

Nos disculpa pero despues di entierro nos no por ricibi
bishita di condolencia na cas.



Pa amplia nos team, nos ta buscando un

KOELMONTEUR / WITGOED MONTEUR

PERFIL DI CANDIDATO

Bo trabao diario ta consisti di instala, drecha y mantene diferente aparatonan manera; wasmaschine, dryer, frishidair, freezer y stove di diferente marca renombra. Mester por hasi esaki eficientemente y profesional.

EDUCACION Y EXPERENCIA

- Bo tin diploma di koeltechniek 1, minimaal 1 anja di experiencia den soluciona malfunctionamento di aparatonan menciona arriba.
- Bo no tin diploma pero si conocimiento tecnico y tin interes pa sigi studia riba e tereno aki.
- Bo mester ta amabel, motiva y por traha organisa y tin un conducta intachabel
- Bo mester por comunica na un manera profesional cu e clientenan y mester por papia y skirbi Papiamento, Hulandes, Spaño y ingles.

BENEFICIONAN

- Salario atractivo dependiendo di bo educacion, experiencia y conocimiento.
- Condicionan secundario excelente cu Posibilidad di crece den nos compania.
- Oportunidad di hasi opleiding y cursonan interno y externo.

Si bo ta consider bo mes e candidato ideal y bo tin gana di bin traha cu nos, entrega bo CV cu pasfoto mas lihe posibel na: Unicomer Aruba – Caya Juan Pablo 121 Oranjestad – Aruba, na atencion di Sra. Ellen Leo; HR Manager – unicomerarubajobs@gmail.com

Hefe di ONU ta urgi nacionnan rico pa cumpli cu compromisonan nobo riba financiamento climatico

(AP)—E secretario-general di e Organizacion di Nacionnan Uni António Guterres a urgi ayera pa nacionnan rico honra nan compromiso pa yuda e paisnan pover combati cambio di clima den un discurso pa e parlamento di Lesotho y a ripiti su sperando cu Africa lo pronto tin asientanan permanente riba e Consejo di Seguridad di ONU.

Guterres ta riba un bishita di tres dia pa e region sur di Africa y tabata na Sur Africa diaranson. Su biahe di dos dia pa Lesotho, un reino montañoso, tambe lo mir'e bishita Katse Dam, un parti integral di e plannan di e pais pa cultiva su reservanan di awa. Un enfoke di Guterres su bishita ta e placa cu nacionnan pover den Africa y otro caminda mester pa combati e impacto di un



planeta calentando. Mientras Africa ta contribui un cantidad chikito na calentamiento global, e ta un di e continentenan mas afecta. Paisnan a adopta un acuerdo durante e discusionnan climatico di ONU na Azerbaijan luna pasa pa inyecta al menos 300 biyon dollar pa aña pa yuda nacionnan den desaroyo mancha calenta-

mento global. Esaki tabata hopi menos cu e mas di 1 triyon cu e paisnan aki tabata pidi p'e. "Paisnan desaroya mester cumpli cu nan compromisonan...cumpli cu e promesa di 300 biyon dollar anualmente pa financiamento climatico, Guterres a conta legisladornan di Lesotho. "Paisnan cera y paisnan menos desaroya manera boso ta specialmente

vulnerable." Tambe el a bisa cu e Loss and Damage Fund cu a ser crea pa compensa paisnan pover pa desasternan natural causa pa cambio di clima "mester ser operacionalisa rapidamente y funda generosamente pa esnan cu ta responsable pa destruccion climatico." E parti sur di Africa ta experimentando un di su pio securanan, causando un crisis di hamber cu a afecta mas cu 27 miyon hende, segun ONU. Lesotho ta un di e varios pais pa declara desasternan natural pa via di e efectonan devastador di e segura riba cosechanan. E segura a ser culpa riba e fenomeno natural El Niño, pero otro crisisnan manera brotenan mortal di colera y inundacionnan den e region di este Africa a ser atribui na cambio di clima. Un rapport e aña aki pa e Organizacion Meteorologico

Mundial a bisa cu nacionnan Africano ta perdiendo te cu cinco porciento di nan GDP tur aña y ta cargando un peso mas pisa compara cu otronan pa via di cambio di clima. Guterres a bisa na Sur Africa diaranson cu e ta spera cu Africa lo tin al menos dos miembro permanente den e Consejo di Seguridad pa ora su termino caba na december 2026, aunke e ta reconoce cu esaki lo ta dificil. Na Lesotho, el a bisa cu e tabata un otro "inhusticia" contra Africa cu un continente di mas cu 1.4 biyon hende ainda no tin representacion permanente riba e organismo ey. "Ora un continente cu ta hogar di casi un kinto di humanidad ta keda sistematicamente exclui for di asuntonan global, nos mester yama esaki kico e ta, un marca di colonialismo cu no tin espacio den mundo awendia," Guterres a bisa.